



№ 3 (2572) - son

Ishonch

Insonga naf
keltirish – oliy baxt

2009-yil

P I Sh Ya D S Ch P I Sh Ya D S Ch P I Sh Ya D S Ch P I Sh Ya D S Ch P I Sh
1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31

Yanvar



**Йигит
омон
бўлса,
хавфу-
хатар йўқ,
Қилич
бор, қалъа
бут, қўрғон
саломат.**



3-бет


Рашид ГАЛИЕВ (ЎЗА)
олган суратлар

Анонс



**Тўрткўл
ҳақида ривоят**

5-бет




**Сўраган
Эдингиз...**

6-бет



**Довул
шиддати**

11-бет



**Профи-бокс:
ютуқ ва муаммолар**

14-бет

Ўзбекистон Республикаси

Президентининг

ҚАРОРИ

Ўзбекистон Республикаси Қуролли Кучларига фуқароларнинг навбатдаги чақируви ҳамда муддатли ҳарбий хизматнинг белгиланган муддатларини ўтаб бўлган ҳарбий хизматчиларни хизматдан бўшатиш тўғрисида

«Умумий ҳарбий мажбурият ва ҳарбий хизмат тўғрисида»ги Ўзбекистон Республикаси қонунига мувофиқ:

1. Чақирилиш муддатини кечиктириш ҳуқуқига эга бўлмаган Ўзбекистон Республикасининг чақирув ёшидаги фуқаролари 2009 йилнинг феврал-март ойларида муддатли ҳарбий хизматга чақирилсин.

Муддатли ҳарбий хизматни ўташга яроқли ҳамда чақирилиш муддатини кечиктириш ва чақирилишдан озод этиш ҳуқуқига эга бўлмаган, бироқ ушбу чақирув мобайнида Қуролли Кучлар сафига чақирилмайдиган фуқаролар сафарбарлик чақируви резервиге олинсин.

2. 2009 йилнинг март-апрел ойларида муддатли ҳарбий хизматнинг белгиланган муддатларини ўтаб бўлган фуқаролар, шунингдек истисно тариқасида, 2008 йилнинг куз мавсумида муддатли ҳарбий хизматга чақирилган фуқаролар Ўзбекистон Республикаси Қуролли Кучлари резервиге бўшатилинсин.

3. Ушбу қарорнинг ижросини назорат қилиш Ўзбекистон Республикаси Бош вазири Ш.Мирзиёев ва Ўзбекистон Республикаси Президенти ҳузурдаги Миллий хавфсизлик кенгаши Котиби М.Атаев зиммаларига юклансин.

Ўзбекистон Республикаси
Президенти

И. КАРИМОВ

Тошкент шаҳри,
2009 йил 6 январ



Тадбир



Республика нафис санъат лицейи иқтидорли ўғил-қизларни тарбиялайдиган маскан ҳисобланади. Айти пайтда бу ерда 1189 нафар ўқувчи 6 та йўналиш бўйича таълим олаётди. Яқинда ушбу масканда янги йилга бағишланган арча байрами бўлиб ўтди. Қорбобо ва қорқиз иштирокидаги қувноқ давра йиғилганлар қалбига хурсандчилик бахш этди. Айтиқса, ўқувчиларнинг турли эртақ қаҳрамонлари қиёфасига кириб, қизиқарли томоша намойиш этиши ҳақиқий байрамона кайфият улашди. Шунингдек, Муқимий номидаги мусиқали драма театри актёрлари ва таниқли санъаткорлар ташрифи ўқувчиларга яхши тухфа бўлди.

Суратда: тадбирдан лавҳалар.

Икром ҲАСАНОВ
олган суратлар

Бизни писанд қилганларга минг бора қуллуқ!

Обуна бир томондан ўқувчининг йил давомида газетани узлуксиз олиб туришининг, иккинчидан эса тахририят фаолияти барқарорлигининг кафолати ҳисобланади. Шу маънода мухлисларнинг 2009 йил учун «Ishonch» ва «Ishonch-Доверие» газеталарига ёзилиш кўрсаткичи кўнгилни тўқ қилиб ишлашимизга имкон беради. Бунда жойлардаги касаба уюшма ташкилотларининг хизмати катта.

Айтиқса, обуна мавсумида фаоллик кўрсатган касаба уюшма ташкилотлари бирлашмаси кенгашларининг газетамизга ҳурматидан қувондик. Жумладан, Қашқадарё вилоятида (кенгаш раиси Э. Ражабов) «Ishonch»га 2503 нусха, «Ishonch-Доверие»га 247 нусха, Навоий вилоятида (кенгаш раиси Н. Хўжақулов) «Ishonch»га 861 нусха, «Ishonch-Доверие»га 205 нусха, Фарғона вилоятида (кенгаш раиси А. Юнусов) «Ishonch»га 1817 нус-

ха, «Ishonch-Доверие»га 346 нусха обуна бўлинганини эътироф этиш жоиз. Тармоқлардан эса Таълим ва фан (МК раиси Н. Акбаров), Ёқилғи-энергетика комплекси, кимё саноати ва геология (МК раиси А. Фуломов), Алоқа (МК раиси Т. Назаржонов), Темирйўлчилар ва транспорт қурувчилари (МК раиси Қ. Собиров), Соғлиқни сақлаш (МК раиси О. Муҳитдинова), Давлат муассасалари ва жамоат хизмати (МК раиси Ж. Алимхўжаева) ходимлари касаба уюшмаси Марказий кенгашлари тизи-

мида обуна яхши йўлга қўйилди.

Бундай эътибор ва кўмакка жавобан жорий йилда мазкур вилоятлар бирлашма кенгашларининг табрик ва эълонларини газетамизда бепул чоп этишга қарор қилдик.

Афсуски, бу борада сусткашликка йўл қўйган вилоятлар ҳам бўлди. Хусусан, Сурхондарё, Сирдарё вилоятларидаги обуна натижасидан кўнгил тўлмади. Ушбу вилоятлар касаба уюшма ташкилотлари раҳбарлари ҳам илғорлардан ибрат олади деб умид қиламиз.

2009 йил — Қишлоқ тараққиёти ва фаровонлиги йили

Тадбиркорга ташаккур

Ғиждувонлик тадбиркор Ғолиб Туробов Фришкент қишлоғидаги 6-мактаб ўқувчиларидан 150 нафарига совға улашди. 9 нафар кам таъминланган оила фарзандларига қишки кийим-бош тақдим этди. У узоқ йиллардан буён ўзи таълим олган мактаб ўқитувчи ва ўқувчиларининг ҳолидан хабар олиб туради. Уч йилдирки, 1-синф ўқувчилари ўртасида таъсис этган «Энг иқтидорли ўқувчи» танлови ғолибларини мукофотлайди.

— Тадбиркор Ғ.Туробовдан мамнунмиз, — дейди мактаб бошланғич касаба уюшма кўмитаси раиси Абдурашид Шарипов. — Байрамларда кам таъминланган оила фарзандларига тўкин дастурхон тузиб, ўқув қуроллари, кийим-кечаклар ҳада этади. Яқинда 30 нафар ана шундай ўқувчимиз номига банкда ҳисоб рақами очиб, уларнинг омонат дафтарчаларига 2 миллион сўм маблағ қўйди.

Сахий тадбиркор Ғолиб Туробовга 66 нафар ўқитувчи ва 748 нафар ўқувчидан иборат мактаб жамоаси ҳамда ота-оналар ташаккур айтмоқдалар.

Иззатулла ҲОЖИЕВ,
«Ishonch» мухбири

Ислоҳот — инсон учун

Республикамиздаги йирик тўқима-чилик корхоналарига хориж инвесторларини жалб этиш, соҳани замонавий технологиялар билан жиҳозлаш, ишлаб чиқаришни модернизациялаш натижасида Андижон вилоятидаги фабрикалар ривожланиб бормоқда.

Вилоятдаги «Олтинқўлтекс», «Самошертекс», «Миматаштекстил», «Асакатекстил» сингари корхоналарда ишлаб чиқарилган маҳсулотлар ва ходимларга яратилган шароит тубдан яхшиланди. Энг асосийси, қишлоқларда яшайдиган хотин-қизлар муқим иш ўрнига эга бўлдилар.

Яқинда иш бошлаган «Марҳамат ип йигирув-тўқув» очик акционерлик жамияти ҳам энди ўз маҳсулоти билан хориж бозорларига чиқиш имконига эга бўлди.

Корхона аслида бундан 30 йил аввал иш бошлаган бўлиб, бу ерда ишлаб чиқарилган маҳсулотлар бугунги кун талабига жавоб бера олмасди. Давлат дастурига биноан

дан амалга оширилди.

Корхона тўлиқ қувват билан ишлаганда йилига 2,5 минг тонна калава ип ишлаб чиқариш имкониятига эга бўлади. Маҳсулотларнинг 80 фо-

Маҳсулотлар — экспортга

фабрика деярли қайтадан бунёд этилди. 2 миллион АҚШ доллари миқдорида кредит ажратилиб, қисқа фурсатда замонавий технологиялар келтириб ўрнатилди. Қурилиш ва барча техник жараёнлар «Ангел» корхонаси мутахассислари томони-

изи экспортга чиқарилади. Қувонарлиси, қишлоқ аҳолиси учун яна 300 та муқим иш ўринлари яратилган.



— Фабрика ишга тушишидан олдин бу ерда бир неча бор бўлиб, хавфсизлик техникаси бўйича фикримизни билдирганмиз. Шу боис

ходимларга яратилган шароит мактаса арзиғулик. Замонавий чангютгичлар цехларнинг доимо тоза, ғуборсиз бўлишини таъминлайди. Янги ходимлар «Асакатекстил»да 3 ой тажриба орттиргани боис янги технологиялар билан ишлашда ҳеч қандай муаммо йўқ, — дейди енгил, мебел саноати ва коммунал маиший хизмат кўрсатиш ходимлари касаба уюшмаси Марказий кенгашининг Андижон вилояти бўйича вакили Бахтиёр Жўраев.

2009 йилнинг «Қишлоқ тараққиёти ва фаровонлиги йили» деб эълон қилиниши юртимиздаги кўплаб ҳудудларга саноатни келтириш ва шу йўл билан қишлоқларимизнинг ғўзал масканга айланишига хизмат қилади.

Абдулхай ЮНУСОВ,
«Ishonch» мухбири

Йигит омон бўлса, хавфу-хатар йўқ, Қилич бор, қалъа бут, қўрғон саломат.




Фафур ФУЛОМ

Бугунги кунда Куролли кучларимиз сафида катта ўқчи сифатида йигитлик бурчини ўтаётган оддий аскар Сардор Давлатов Сурхондарё вилоятининг Жарқўрғон туманида таваллуд топган. Мактабда ўқиб юрган даврида ҳам илғорлар сафида бўлган.

■ Аскар уйга қайтди

Эр ЙИГИТ

Болалигидан спорт билан мунтазам шуғулланган бу йигит турли мусобақаларда бир неча бор шохсупанинг энг юқорисига кўтарилганини таъкидлаб ўтиш жоиз. Жумладан, каратэ бўйича туман миқёсида ўтказилган мусобақада биринчи ўринни қўлга киритган бўлса, миллий кураш ва кикбоксинг бўйича туманда иккинчи бўлган.



Спорт машғулларида обдон чиниққан йигит кўп жабҳада сафдошларига ўрناк бўлди. Ҳарбий хизмат унинг тафаккурини бойитди. — Армияда кўп нарсани ўргандим, — дейди Сардор Давлатов. — Бу келгусида ҳам менга асқотишига ишонаман. — Оддий аскар Давлатов ҳар томонлама чиниққан аскарларимиздан, — дейди офицер Дилмурод Ғойипов. — У ҳеч қачон эришган ютуқлари билан кифояланиб қолмайди, янги-янги марраларга интилади. Шу боис мудом изланишда ва командирлар эътиборида. У яқинда олий ўқув юртига кириш имтиёзини берувчи тавсияномага эга бўлди. Келажақда Тошкент темир йўллар институтига ўқишга кириб, транспорт соҳаси бўйича мамлакатимиз учун керакли мутахассис бўлишга аҳд қилган қаҳрамонимизнинг орзулари бисёр. Аминмизки, уларга эришишда ҳаёт мактабида олган сабоқлари катта ёрдам беради.

АБДУЛЛОХ Н.

■ Тавсиянома — муҳим имтиёз

лоновдан ўрганганлари қўл келди. У қисм миқёсида ўтказилган енгил атлетика мусобақаларида (югуриш) биринчи бўлди, фақат энг фаол ва билимли аскарларга насиб этадиган тавсияномага муносиб топилди. Шунқорнинг таъкидлашича, армияда олган билимлари, айниқса, командирлари — офицер В. Пўлатов, кичик сержант И. Каримовлардан ўрганганлари унга келгусида ҳам асқотишига ишончи комил.

Ҳозир Тошкент давлат техника университети кончилик факултетининг 1-курсиди таҳсил олаётган йигит илк кунларданок фаол талабалар сафида. Машғулотларга ҳаммадан илгари етиб келиб, тайёргарлик кўриб ўтирадиган, берилган топшириқларни ўз вақтида адо этиб, сабоқдошларига ўрناк бўлаётган қаҳрамонимиз ҳақида устозларининг фикрини сўраганимизда, барчаси табассум билан: «Барибир хизматда тобланган йигит бошқача-да», — дея эътироф этишди.

Эндигина биринчи курс талабаси бўлган Сухроб Азизовнинг мақсадлари талайгина. Айни дамда унинг энг биринчи вазифаси университетда мукамал сабоқ олиш, унга билдирилган юксак ишончни оқлашдан иборат.

Жамшид НИЁЗОВ

ЎҒЛОН

Ватан тараққиётига замин ҳозирлайдиган, уни жаҳон саҳнасига олиб чиқадиган энг улкан кўч ёшлардир. Шу боис юртимизда ёш авлоднинг таълим олиши, истеъдодини юзага чиқариши, униб-ўсиши йўлида катта ишлар амалга ошириляётир. Ёшларимиз ҳам бундай ғамхўрликка жавобан ишончни оқлашга интиляётгани қувонардир.

Сухробни таниганлар кичкиналигида ниҳоятда шўх бола бўлганлигини айтишади. Бугун ўша кунларни эслаганда қаҳрамонимизнинг отаси Қодир ака жилмайиб қўяди. Чунки Сухробни бундан ўн беш йил илгари кўрганлар бугун танимасликлари тайин. Чунки анча йиллар бир-бирини қувлаганча ўтиб кетди. Бу орада мактабни, ундан сўнг Юнусобод туманидаги туризм коллежини тамомлаган йигитнинг ҳаётга муносабати анча ўзгарган эди. Ўқишдан бўш вақтлари тинмай изланади, фанларни пухта ўзлаштиришга, мунтазам спорт билан шуғулланишга ҳаракат қилади. Табиийки, қатъиятли ўғлоннинг бу изланишлари бесамар кетмади. Коллежини битириш арафасида у армияда хизмат қилишга ҳар жиҳатдан тайёр эди.

Тенгдошлари ичида биринчилардан бўлиб муддатли ҳарбий хизматга отланган Сухроб ҳаёт мактабида ҳам ўзини намён эта олди. Унинг илғорлар қаторидан жой олишига, хизмат машаққатларини мардонавор енгиб ўтишига, командирлари назарига тушишига коллежда кунт билан олган сабоқлари, шунингдек, халқаро тоифадаги спорт устаси, бокс бўйича кўп карра Ўзбекистон ва Осиё чемпиони Акмал Арс-

■ Мулоҳаза

Ёш бола эдим. Меҳрибон момом (охирати обод бўлсин) айтиб берган кўпдан-кўп эртагу ривоятларни жон қулоғим билан тинглардим. У сўзларда ўзгача меҳр тафти бор эди. Бироқ бир ривоят ўқтин-ўқтин хотира уммондан сизиб чиқади...

Иттифоқо, юртни ёғий босибди. Иморатлар вайрон, боғлар хазон бўлибди. Еру осмонни дод-фарёд қуршабди: гўё қиёмат дейсиз. Хўрланган, қақшаган халқ тоғларни макон тутиб, душман аскарларини бир-бир қира бошлабди. Ёғий ахволи танг бўлаётганини сезиб, довдираб қолибди. Ана шунда душманбоши ғанимларининг энг асосий қароргоҳига ҳужум қилишга аҳд қилибди. Бунинг учун ўша қароргоҳ ўрнини аниқлаш керак экан. Шу боис айғоқчиларига маҳаллий одамлардан бирортасини тутиб келтиришни буюрибди. Улар тоғ этагида қўй боқиб юрган бир чўпон билан унинг набирасини ушлаб келишибди. Душманбоши асирлардан қароргоҳ қаерда жойлашганлигини сўраганда чўпон ўз набирасининг қатл этилиши эвазига барча саволларга жавоб беражагини айтибди. Душманбоши унумдор ерларга тезроқ эга бўлиш истагида унинг кўз ўнгида набирасини чопиб

ташлаб, сўнг сўрабди:

— Энди айт! Қаерда душманнинг макони?

— Айни кўнглимдаги ишни қилдинг, — дебди чўпон кўзларидан оқаётган ёшни ёнглари



билан артаркан. — Ёш бола бир-икки қамчидан сўнг, барибир ҳамма сирни ошкор этган бўларди. Энди мени ҳам ўлдиравер! Лекин сенга юртимни оёқости қилдириб қўймайман.

Момом ривоятнинг шу ерига келганда оғир хўрсиниб қўяркан, тинмай сўрайверардим:

— Айтнинг, ўша душманбоши чўпонни ҳам ўлдирибдими? Юртни душманлар босиб олибдими?!

Момом индамай бошимни силаб қўяркан... юзимга кўз ёшлар оқаётганини сезиб қолардим.

Эсимни танигач, шунга ўхшаш ри-

воятни шоир Хуршид Давроннинг «Ватан ҳақида етти ривоят»ида ўқидим. Мен ўшанда чўпонни ёмон кўрардим: «Бобо ҳам ўз набирасини ўлимга ҳукм қиладими?», — дердим. Балки бола кўнглим ўсмир тарафини олгандир... Кейинчалик, халқ-

парвару ҳақларвар адиб Шукур Холмирзаевнинг (охирати обод бўлсин) «Қора камар» драмасини ўқидиму... «Яша, шўро!» кўшиғини айтгани учун ягона ўғлини ўлимга ҳукм қилган ота — Хуррамбек образига дуч келдим. Яна ўша савол қалбимни ўртай бошлади: ота ҳам ўз боласини ўлимга ҳукм қиладими?! Нима сабабдан?

Бу савол мени ўйга толдирди. Анча ўтиб унга жавоб топгандек бўлдим: ОЗОДЛИК учун! Фақатгина ЭРК учун! Агар чўпонлару хуррамбеклар

бўлмаганда, биз озодликнинг мусаффо ҳавосидан нафас олармидик? Менимча, йўқ. Ҳар қандай улугликка улкан синовларни бошдан кечирибгина етишиш мумкин.

Миллатимиз оғир синовларни босиб ўтди, шукурки, эрки ўз қўлида. Бироқ...

Бир танишимга мустақиллик қадрини ҳақида сўз очсам, шу тариқа жавоб берди: «Ука, сафсатабозликни қўй-да, бундан кўра қандай қилиб кўпроқ пул топиш ҳақида гапир».

Асабларим қақшаб кетди-ай: Эрк сенга сафсатабозлик бўлди-ми? Агар шу мустақиллик бўлмаганда, еб-ичишдан ғами йўқ, қўлмак ичидаги «тилла баллиқча»га айланиб қолмасмидинг?!

Бу саволлар борлигини қуон ичига итариб юборди. Буюк немис шоири Гётеда шундай сатрлар бор: «Ҳақиқатни доимо такрорлаб туриш лозим. Чунки бизга адашишни доимо такрорлаб туришади». Ҳа, биз ўз эркимизни қўлдан бермаслигимиз лозим! Зотан, бу Улуғ Йўлда бир-биримизни қўллаб-қувватлаб, мустақиллигимизни ҳимоя қилиш ҳам инсонлик, ҳам фуқаролик бурчимиздир.

Адхам АРСЛОН

Ваъдага вафо қилмоқ — марднинг иши

Жасорат

Рус ёзувчиси Николай Тихоновнинг «Лаҳза» деган ҳикояси бор. Уруш ҳақида. Унда кўрқоқлик ва жасорат орасидаги энг қалтис лаҳза моҳияти очиб берилган. Йигирма йилча олдин бу асарни ўқиб илк бор урушга борганларнинг ҳаммаси ҳам бизга совет тарғибот машинаси тинимсиз уқтирганидай ботир бўлмаганлигини англаганман. Валентин Распутиннинг «Омон бўлсанг унутма» қиссаси эса бу борадаги фикримни янада мустаҳкамлади.

Тан олиш керак: дунёда инсондан кўра азиз-у мукаррам ва... тубан жонзот йўқ. Бунга истаганча мисол келтириш мумкин. Абдулла Ориповнинг «Сен ўзингсан энг сўнгги нонин ўзи емай ўғлига тутган...» ёки «Шундайлар бўлмаса агар дунёда бу қадар мухтарам бўлмасди аёл» деган сатрларини, Ўлмас Умарбековнинг «Қиёмат қарз» асари қахрамони Сулаймон отани эсланг. Бундай одамлар азиз-у мукаррам бўлмаса тоғлар ерпарчин бўлиб, дарёлар тескари оққани маъқул эмасми?

Ҳайвондан ҳам тубан одамларга келсак, орамизда бировнинг кулфатидан кувонадиганлар, педофиллар, етимнинг ҳақидан ҳазар қилмайдиганлар йўқ дейсизми?

«Ishonch»нинг ўтган пайшанба сонидан Умид Яъқубовнинг «Сен ёнмасанг, мен ёнмасам...» мақоласини ўқиб, шулар ҳақида ўйладим.

«Ҳикмат излаганга ҳикматдир дунё...». Жасорат кўрсатиш учун урушда қатнашиш ёки ўтган асрнинг тўқсонинчи йилларида бўлгани каби вино ишлаб чиқариб унга «Жасорат» деб ном қўйиш шарт эмас. Киши ўзига раво кўрмаган нарсани ўзгага ҳам раво кўрмаса, ўйнаб гапирса ҳам ўйлаб гапирса, ваъдасига вафо қилса кифоя.

Ҳасан НИШОНОВ


Ҳазрат Навоидан ўтказиб бир нима демоқ кийин.

Аммо... ваъда(бозлик) турмуш тарзимизда жуда жўнлашиб бораётгани, одамлар Сўз Кучига ишонмай қўйганлиги, тил ва дил ўз-ўзидан узоқлашиб бораётганлиги, алҳол бани башар ўз сўзига... ЎЗ олдида... жавоб бера олмай қолаётгани ҳақида ўйларканман, хаёл тубсизлик томон от солади: бу — Таназул даракчисимикан?... Бу кетишда бориб-бориб лафзсизлик одатий ҳолга айланармикан?... Наҳотки, ҳар қандай келишувни нотариал идора орқали тузишга мажбур бўлсак!..

«Бизнинг оиладан лафзсизлик чиқиши менга маъқул кўринмайдир...».

Ваъдага вафо қилишни Кумуш фожиасидан ҳам устун қўйган Юсуфбек хожи ўтган асрда қолиб кетдимиз? «Айтган сўзингга аввало ўзинг амал қил!» деган жавонмардлар-чи?... «Иймон — сўз ва амал бирлиги» ҳадисини яшаш тамойилига айлантирган боваларимиз-чи?! Орадан бир эра ўтганга ўхшайди-я...

«Мулланнинг айтганини қил-у, қилганини қилма» дея ҳиринглаётган... тўртта одам олдида «гапимга жавоб бераман» дея хўрозланиб, сўнг дўппи сал тор келса қуённинг расмини чизаётган... лафзсизликдан кўра бир парча нонни устун қўяётган...



бу авлод кимдан тўради ўзи?!

«Тилга чиққан фикр — ёлғон» дейишади. Йўқ, унга фақат таъма аралашishi мумкин, холос. Қолаверса, «энг муҳими — кўнгилдаги» деганлар ҳам адашади: таш — ичнинг ойнаси, ич — ташнинг инъикосидир.

Нега булбулнинг индек ишхона низомидаги битта бандни бажармасликдан чўчишимизу, СЎЗга хиёнат қилишдан заррача ҳайиқмаймиз?!.

Одам ҳаммани алдаши мумкин, бироқ ЎЗидан қочиб ҳеч қайқа бора олмайди. Шундай экан, ёлғонлар ҳам вақтинча. Бироқ танлаш имконияти чорраҳасида ҳайрон турган одам бир куни босган йўллари хато эканлигини англаб қолгандан кўра, азоб ва қийинчиликлар қўлмагидан ўтиб боражак Ҳаловатгоҳга бир сония бўлса-да, илгари етишган маъқул эмасмикан?! Ахир, барчаси синовку! Тўғрими?!.

Умид ЯЪҚУБОВ

АБАЮБЧА



Асарлари назарга тушган адиб шахси ҳам эътиборда бўлади. Сўзи адибнинг ўзи! Ўзи адибнинг сўзи. Олдузли онларда бу ўзликнинг басырат кўзи очилади. Юракдаги кўзи чарақлайди. Лекин ўзи билан сўзи икки қутб эканларни кўриб, ёқа ушлайсан. Азалий Қонун ўзгариб, сўз вақтинча алдаш ва вақтдан ютиш учун изғиб юрган фирибгар бўлдими? Ёлғон, ёлғон, фақат ёлғон сўзланаверади... Алдovлар ошкор бўладиган кун — Қиёматда бир-биримизнинг юзимизга қандай қарар эканмиз?! Кўзимиз кўзимизга тушганда, чеҳрамиз ёриша оладими?!

Тоғай Мурод ростгўй эди. Хато бўлса-да, дилидагини тилига чиқарувчи эди. Меҳрини ҳам, нафратини ҳам тап тортмай билдиргувчи эди. Бу асарларининг ҳароратидан сезилади.

Адиб, аввало, сўзида туриши керак. Сўзга муносабати унинг шахсига ойна. Шоир Шукур Қурбоннинг бир хотираси ҳеч эсимдан чиқмайди. «Мен Тоғай билан шаҳарнинг бир чеккасидаги ижарахона эшиги олди-

да кечга яқин учрашмоқчи бўлдим. Аммо боролмадим. Вой, бу Афандини... Балки Шукур келиб қолар деб ваъдалашган жойимизда тонггача мени кутибди».

Радиога ишлаб юрганамда Шукур акага таклиф қилдим:

— Тоғай Мурод билан бир суҳбат қилиб бермайсизми?

Шукур Қурбон олдимда адибнинг хонадонига сим қоқди. Туппа-тузук ҳол-аҳвол сўрашишди. Аммо радио учун суҳбатлашиш таклифини айтиши билан гўшакнинг у томонидан Шукур ака кутмаган бир довул эсиб, суҳбатдошнинг узун, қалин қошлари янада ўсиб, кўз устига тушгандай бўлди. Бошини кўтарганда юзи қизариб, кайфияти бутунлай ўзгариб кетганди. Гўшакдан эса тутақиб кетган бир овоз нафратини баралла айтаётгани эшитиларди. Биз ҳайрон бўлдик. Ҳатто Тоғай акадан бироз хафа ҳам.

Кейинчалик Маъсума опадан эшитсам, радионинг ўша пайтдаги бошлиқларидан бири «Бу дунёда ўлиб бўлмади» романи кўлёмасини олганча: «Мен ўқимагунимча эфирга берилмайди» дея икки-уч ой судраб, адибнинг гўзал ва ҳақгўй сўзини ерга урмоқчи бўлади... Асл адиб мард бўлади. Номарднинг амали, кучидан ҳайиқиб ўтирмайди. Ҳамиша рост сўзини айтади. Тоғай Мурод асарлари йиллаб ётса-да, рост гапидан қайтмади, амалдорларга қуллуқ қилмади, улардан хўрқмади. Бу фазилатсиз асл адиб ҳеч қачон ўзини намоён эта олмайди. Кўрқоқ адибнинг сўзи эса сариқ чақага арзимайди.

Вафо ФАЙЗУЛЛОХ «Мен қайтиб келаман» хотиралар тўпламидан олинди

Инсоннинг бошқа яратилардан мукаррам қилиб яратилиши, унга юксак ақл, илм билан бирга СЎЗ деб аталмиш буюк неъматлар ато қилинишида улкан ҳикмат мужассам. Навоий бобомиз таъбири билан айтганда, бани одамни ҳайвондан сўзлай олиши ажратиб туради ва шунинг учун ҳам сўзга гуҳари шариф дея баҳо берилади.

Гуҳари Шариф


Башарият ибтидосига назар ташлаганимизда, Одам алайҳиссалом Момо ҳаво онамиз билан жаннатда беармон яшаётган бир пайтда Иблис иғвоси билан СЎЗга хилоф иш қилгани ва Яратган томонидан ерга бадарга қилингани ҳақидаги ривоятга дуч келамиз! Биргина хато (таққиланган мевадан егани) учун умрбод истиғфор айтиб, бутун захматларга чидаб, синовларга бардош бериб, бадал ўтаган Одам — илк пайғамбар эди.

Кейинги авлодлар унинг кечмишидан ибрат олиб, ваъда (сўз)га хилоф иш қилмасликка интилган. Масалан, Исмоил алайҳиссалом бир киши билан ваъдалашган жойида 22 кун кутиб туради. Ногаҳон ваъда берган киши унинг ёнидан ўтиб қолиб, нега бу ерда турганини сўрайди ва ўзининг сўз бергани ёдига тушади. Ваъдага вафо қилишда собит бўлгани учун ҳам Қуръони Каримда Исмоил пайғамбар «ваъдасига вафо қилгувчилардан бўлди» дея зикр қилинади.

Охирзамон пайғамбари

Муҳаммад алайҳиссалом ҳам ваъдага, сўзга вафо қилишни такрор-такрор таъкидлаган. Саодат асрида ҳеч бир инсоннинг шахсини тасдиқловчи бирор ҳужжати бўлмаган. Чунки сўзнинг кучи, лафзнинг аҳамияти беқиёс бўлган. Ёлғон гапириш, сўзда турмаслик энг катта иллат ҳисобланган. Вақт ўтиши билан шундай буюк зотларнинг авлодлари секин-аста таназулга юз бурди. Ишончсизлик, алдов, вафосизлик деган тушунчалар пайдо бўлди. Таассуфки, бугун сўздан кўра бир парча қоғозга кўпроқ ишонилади. Ён-атрофимизда кимнидир «туширган»идан, қандай қилиб алдаб кетганидан фахрланаётган одамлар суҳбатига қулоқларимиз кўниқиб бормоқда. Пайғамбар бўла туриб, биргина хатосига бир умр бадал тўлаган Одам алайҳиссаломнинг фарзандлари тушида ҳам гапираётган ёлғонлари, ваъдабозликлари жавобини қандай бераркан?

Абдулатиф АБДУЛЛАЕВ



Азиз замондош!
Барчамиз ҳам шу давр одамларимиз. Ҳеч бўлмаса ўзимизни, оиламизни лафзсизликдан ҳимоя қилайлик.



Тўрткўл

ҳақида ривоят

Ривоят қилишларича, қадимда Мағрибдан Машиққа қатновчи карвон йўллари кешишган чорраҳа, яъни, тўрт йўлни бирлаштирувчи қишлоқнинг номи «Тўрткўл» деб аталар экан. Қишлоқнинг сўлим манзилгоҳида тўрт соҳибжамол қиз яшар экан. Уларнинг тўнғичи — моҳир гиламдўз, иккинчиси — кўлигул пазанда, учинчиси — хушовоз гўянда ва ниҳоят кенжаси — тенги йўқ раққоса бўлиб, қишлоққа ташриф буюрган йўловчи-ю савдогарларга ўз хуналарини намойиш этиб, кўрганларни лол қолдирар, эл-юртда катта шухрат қозongan экан.

Тўрт соҳибжамолнинг овозаси Бухоро, Эрон, Рум шаҳзодаларининг ҳам қулоқларига етиб борибди. Қизларга ҳар томондан совчилар ёпирилиб кела бошлабди. Уларга сулувлар шундай шарт қўйишибди: «Кимки биз яшаётган юртни обод қилишга ҳисса қўшса, ҳашаматли иморатлар курса, қалъа бунёд этса шунга турмушга чиқамиз». Буни эшитган ошқлар бирин-кетин бир-биридан гўзал иморатлар қуришга киришибди. Чор-троф ободонлашибди. Тез фурсат ичида қизлар яшаётган мўъжазгина қишлоқ катта ва чиройли қалъага айланибди. Ичида сайилгоҳ, меҳмонхона, дўкон, бозорлар пайдо бўлибди. Шундан сўнг қалъанинг номи тўрт соҳибжамол шарафига Тўрткўл дея аталадиган бўлибди...

Тўрткўл атамасининг келиб чиқиши хусусида бошқача фикрлар ҳам

мавжуд. Жумладан, тўрткўллик ўлкашунос, раҳматли Исмоил ота Жуманиёзов ҳаётлигида бу ҳақда қуйидагича фикр билдирган эди: «Шаҳарнинг номи «Тўртгул», «Тўртйўл», «Тўртқишлоқ» сўзларидан келиб чиққанлиги эҳтимолдан узоқ эмас, албатта. Аммо менинг фикримча, ҳозирги «Тўрткўл» атамаси «Дургил», яъни серҳосил тупроқ, дур унадиган ер дегани бўлса керак. Форсий тилда бу сўз асил тупроқ, олтин тупроқ маъносини англатади». Исмоил ота фикрида ҳам жон бор. Чунки туман ҳосилдор ерлари, боғлари, шириншакар мевалари билан бутун республикамизда машҳур.

Ривоятларни кўя турайлик-да, 9-10-асрларда шу ўлкага ташриф буюрган араб сайёҳи Истахрий қайд қилган куйидаги сўзларга эътибор қаратайлик: — Бухородан Хоразмгача бўлган йўл кум, чўллардан иборат. Харабхашна — Жайхун дарёсининг ўнг соҳилидаги кўркам шаҳардир.

Академик Яҳё Фуломовнинг фикрича, Харабхашна — Шўраҳон қалъа кушонлар империяси даврида, милoddан аввалги 2-1-асрларда бунёд этилган. Жайхун-Шўраҳон дарёси тошқини оқибатида қалъа ва қишлоқлар емирилган. Шу сабабли Тўрткўл-Шўраҳон-Петро-Александровский қалъаси ўз ўрнини ўзгартиришга мажбур бўлган. Умуман, қадим Тўрткўл шаҳри номи ҳақида турфа фикрлар мавжуд. Хоразмликлар тўртбурчак шаклдаги нарсаларни тўрткўл деб ҳам атайдилар.

Зарип ШЕРЛАНОВ,
мехнат фахрийси

Оҳангароннинг маъноси нима?

Илк феодализм даврида Илоқ давлати ташкил топан бўлиб, пойтахти ҳозирги Оҳангарон туманидаги «Бирлик» фуқаролар йиғини ҳудудида жойлашган, Тункат деб номланган. Кейинчалик 6 — 7-аср-

рихий манбаларда учрамайди. Орадан илгирма беш аср ўтгандан сўнг Тошкент вилоятига қарашли Оҳангарон тумани барпо қилинди. Оҳангарон сўзи форс тилидан олинган бўлиб, темирчилар шаҳри деган маънони беради. Маълумотларга кўра, беш минг йил аввал Гўшсойнинг Оҳангарон дарёсига қуйилиш жойидаги қишлоқ аҳолиси темирчилик билан шуғулланган.



Оҳангарон тумани 1926 йили Ангрен номи билан

ларда дехқонлар бошқарган Илоқ давлати Шош (Тошкент)га қўшилган. Аҳолиси асосан дехқончилик, чорвачилик, маъдан қазииш, хунармандчилик билан шуғулланган. 10-асрга келиб Мовароуннаҳрда 2 та зарбхона бўлган бўлса, бири Самарқандда, бири Тункатда бўлган.

Илоқнинг Курама, Қорамозор тоғларидан олтин, феруза, қумуш, мис, кўрғошин, бўёқ ва чинни тайёрлайдиган конлари бўлган. Тункатда 1943 йилдан қазииш ишлари бошланган бўлиб, уруш йиллари маблағ ва ишчи кучи етишмаслиги боис тўхта-тилган.

Илоқ давлати Чингизхон истилосидан сўнг та-

ташкил қилиниб, биринчи маркази Телов қишлоғи бўлган. 1957 йилда туман худуди Олмалик, Ангрен шаҳарларига қўшилган. 1961 йилда қайта ташкил қилинган. Икки йилдан сўнг Ўрта-чирчиққа, кейинчалик бир қисми Пискент туманига берилди. 1971 йилдан туман тикланди ва маркази Оҳангарон шаҳри деб белгиланди.

Шимоли-шарқда Курама, шимол ва шимоли-ғарбда Қамчиқ довоғига туташган Чотқол тоғ тизмалари ўртасидаги водийда жойлашган Оҳангароннинг майдони 3100 км², аҳолиси 80 минг кишини ташкил қилади. Иқлими континентал. Туман худудидан Оҳангарон дарёси ва унинг Бешқўл,

Эртош, Кўксарой, Четсув, Серка қирлиди, Чинор, Қорабоғ, Оқча ирмоқлари оқиб ўтади. Турқишлоқ сув омбори бор. Тоғ этакларида арча, ёнғоқ, pista, тоғолча, олма, дўлана ўсади.


Тоғларда чиябўри, тулки, бўрсиқ, кийик, типратикан, чўчқа, сассиқкўзан, сувсар, юмронқозиқ, каламуш, кўрсичқон ва хатто арслон ҳам учрайди.

Фойдали қазилмалардан кўнғир кўмир, мис, рух, молибден, олтин бор. «Оҳангаронцемент», «Оҳангароншифер», «Стройпластмасс», «Сантехлит» заводлари ишлаб турибди.

Туманда 120 та фермер хўжалиги мавжуд. Экин майдонлари 2600 гектар. Гулобод, Янгиқишлоқ, Кўрсой, Парлиқсой, Тошсой қишлоқларида лалими нўхат етиштирилади.

Оҳангаронда 52 та мактаб, 65 та кутубхона, шифохона, 6 та амбулатория, 40 та врачлик пункти бўлиб, уларда 1000 та тиббиёт ходими хизмат қилади. «Оҳангарон» газетаси чоп этилади.

Улдона АБДУЖАББОР қизи



Кўшқўпир туманининг Оқдарбанд қишлоғида 5000дан зиёд форслар истиқомат қилади. Уларнинг келиб ўрнашининг ўз тарихи бор, албатта. Бу ҳақда Муҳаммад Ризо Эрниёзбек ўғли Огаҳий ва Баёний тарихий асарларида батафсил ёзиб ўтган. Манбаларда қайд этилишича, 1825 йилга келиб, Оллоҳқулихон даврида, Эрон-Хива муносабатларида чигалликлар пайдо бўлади. Тахт вориси Раҳмонқулихоннинг ўлдирилиши натижасида ислом дини қодаларига асосан тўланиши жоиз бўлган «қон ҳақи» яъни диё (товон) учун оқдарбандликлар Хоразмга кўчириб олинган экан. Бироқ оқдарбандликлар табиатан мард, чавандоз ва мерган халқ бўлгани боис, Хива ҳукмдори улардан чегарачилар сифатида фойдаланган. Ҳ.Раҳматуллаев, Ҳ.Матризаев, Ш.Курёзов ҳаммуаллифлигида «Хоразм» нашриёти томонидан 1992 йилда чоп қилинган «Оқдарбанд» китобида келтирилган «Огаҳон Муҳаммад ўғлининг ҳикояси» бо-

бида форсийлар воҳага Эрон шоҳи томонидан Хива хонига ёрдам сифатида жўнатилгани баён қилинган. Унда ёзилишича, Хивага ташриф буюрган Эрон шоҳи Хоразмнинг чекка худудларига ҳар тарафдан тез-тез босқинлар уюштирилиб ту-

ришини эшитади. Оқибатда, қўшни мамлакатга бу муаммони ҳал қилишда ёрдам беришини айтади. Сўнгра юртига қайтиб кетгач, энг сара, жасур йигитларни Хивага навкарликка жўнатган экан.

Бу ҳикояда мантиқ бор.

ФОРСЛАР ЯШАЙДИГАН ҚИШЛОҚ



Чунки Эроннинг савдо карвонлари Хоразм орали Мовароуннаҳр, Олтой ўлкалари, Хитой ва Россияга ўтар эди. Бу йўлларнинг тинчосойишта бўлиши форслар шоҳи учун ҳам сув билан

ҳаводек зарур бўлган. Шу боисдан ҳам бу иш Хива атрофидаги саҳроларда макон тутган қароқчилар томонидан келтириб чиқарилган тартибсизликни бартараф этиш — улар учун ҳам фойдали тадбир бўлган. Пировардида, қароқчилар томонидан савдо карвонлари таланиши камайган.

Огаҳий ўзининг «Риёз уд-давла» асарида форсларнинг Хоразмга келиб ўрнашиш тарихи ҳақида ёзар-

кан, қуйидаги фикрларни билдиради: «...Оқдарбанд қалъаси икки тарафдан баланд тоғ қоялари билан тўсилиб, гўзаллик ва мустаҳкамликда Искандар деворига тенг келадиган девор билан ўралиб турган. Ана шу қалъада ватан тугиб ўтирган қизил бошли (шиа мазҳабида мансуб форсийлар — Э.Б.) давлату-савлатда, ҳарбий ишларда ва жангу жадалликда тенги йўқ машҳур эдилар.

Душман келадиган бўлса, уларнинг йўлини тўсиш ва қайтариш билан машғул бўлганлар...»

Собик СССР даврида тарихий ҳақиқат бузиб кўрсатилиши оқибатида оқдарбандликларнинг Хоразмга кўчиши ҳам бошқача талқин этилган. Айрим шўро даври тарихчилари форсийлар Хивага қул қилиб олиб келинган деган фикрларни билдирган. Бу — мутлақо янглиш фикр эканини Огаҳий ва Баёний асарлари ҳамда юқорида номлари зикр этилган уч қаламқаш ҳаммуаллифлигида ёзилган «Оқдарбанд» китобида далиллар ҳам исботлаб турибди. Қолаверса, Хива хонлиги даврида ҳукмдорнинг энг яқин маслаҳатчи ва «маҳрам» — тан соқчилари оқдарбандликлар бўлгани шўро тарихчилари фикрини чиппака чиқаради. XIX аср охирилари ва XX аср бошларида салтанатни бошқарган Муҳаммад Раҳимхони Соний (Феруз)нинг Ашир маҳрам, Мутриб Хонахаробий, Давлатмурод Фуломий, Аҳмад Табибий каби мулозимлари ҳам форс миллатига мансуб бўлгани — уларнинг тенг ҳуқуқли фуқаролар қаторида яшаганидан дарак беради...

Эрпўлат БАХТ,
журналист

Сўраган-ЭДИНГИЗ...

Конунчилигимизда «тўғри қасд», «эгри қасд» деган тушунчалар бор экан. Шу ҳақда тўлиқроқ маълумот берсангиз.

А.МИРЗАКАРИМОВ,
Наманган вилояти

Жиноятлар тўғри ёки эгри қасддан содир этилган бўлиши мумкин. Бу ҳақда ЖКнинг 21-моддасида шундай дейилади:

— агар шахс ўз қилмишининг ижтимоий хавфли хусусиятини англаган, унинг ижтимоий хавфли оқибатларига кўзи етган ва уларнинг юз беришини истаган бўлса, бундай жиноят тўғри қасддан содир этилган деб топилади;
— агар шахс ўз қилмишининг ижтимоий хавфли хусусиятини англаган, унинг ижтимоий хавфли оқибатларига кўзи етган ва уларнинг юз беришига онгли равишда йўл қўйган бўлса, бундай жиноят эгри қасддан содир этилган деб топилади.



Судланувчи қамоқда бўлса, адвокат қай тартибда ва вақтларда у билан учрашиши мумкин?

Д.МАЪРУФАЛИЕВ,
Фарғона вилояти

ЖПКнинг 53-моддаси иккинчи қисмига мувофиқ, гумон қилинувчи, айбланувчи ёки судланувчи қамоқда бўлса, ҳимоячи у билан жиноят ишини юриштишга масъул бўлган давлат органлари ва мансабдор шахсларнинг рухсатисиз, учрашувларнинг сони ва давом этиш вақти чекланмаган ҳолда холи учрашишга ҳақли.

Ажрашгандан кейин ҳам хотин эрнинг фамилиясида қолиши мумкинми?

Ш.ҲОЖИБОЕВА,
Тошкент шаҳри

Мумкин. Оила кодексининг 46-моддасига кўра, никоҳга кириш вақтида ўз фамилиясини ўзгартирган эр (хотин) никоҳдан ажратилгандан кейин ҳам шу фамилияда қолишга ҳақли ёхуд унинг хоҳишига биноан суд томонидан никоҳдан ажратиш тўғрисидаги қарор чиқарилаётганда унга никоҳгача бўлган фамилияси қайтарилиши мумкин.



Олий ўқув юртида дарс бераман. Илмий изланишларим натижасида ўқув қўлланмаси тайёрладим. Бироқ уни чоп этиш арафасида масъуллардан бири ҳаммуаллиф сифатида номини кўрсатмасам, керакли хужжатларни тасдиқлашга шама қилди. Бу билан муаллифлик ҳуқуқим поймол қилинаётган ҳисобланмайдими?

Б.ЗОҲИДОВА,
Тошкент шаҳри

Сиз айтиб ўтган ҳолатда муаллифлик ҳуқуқи бузилиши кузатилади. Ўзбекистон Конституциясининг 42-моддасида: «Ҳар кимга илмий ва техникавий ижод эркинлиги, маданият ютуқларидан фойдаланиш ҳуқуқи кафолатланади», — деб ёзилган. ЖКнинг 149-моддасида ҳам муаллифлик ёки ихтирочилик ҳуқуқларининг бузилиши ҳақида сўз боради. Бу ҳаракатлар энг кам ойлик иш ҳақининг йигирма беш бараваридан етмиш беш бараваригача миқдорда жарима ёки беш йилгача муайян ҳуқуқдан маҳрум қилиш ёки уч йилгача ахлоқ туза-тиш ишлари ёхуд олти ойгача қамоқ билан жазоланиши мумкин.

Мамлакатимиздан олиб чиқилиши мумкин бўлмаган маданий бойликлар ҳақида маълумот берсангиз.

Э.ЧОРИЕВ,
Сурхондарё вилояти

«Маданий бойликларнинг олиб чиқилиши ва олиб кирилиши тўғрисида»ги қонуннинг 8-моддасига биноан куйидагилар Ўзбекистондан олиб чиқилиши мумкин эмас:

эллик йил ва ундан олдинроқ яратилган маданий бойликлар;
давлат томонидан муҳофаза рўйхатлари ва реестрларига киритилган маданий бойликлар;
Ўзбекистоннинг давлат ва жамоат музейларида, архивларида, кутубхоналарида ва бошқа сақлаш жойларида доимий сақланаётган маданий бойликлар.

Нодавлат-нотижорат ташкилотлари ривожини йўлида

Ўзбекистонда нодавлат-нотижорат ташкилотлари, ўзини-ўзи бошқариш органларининг аҳамиятини кучайтириш — ҳақиқий демократияни ривожлантириш ва такомиллаштириш, демократиянинг олий мақсади бўлган жамият ва давлат ишларини бошқаришга барча фуқароларни жалб қилишнинг муҳим омилidir.

Мустақилликнинг дастлабки йилларидаёқ фуқаролик жамияти субъектлари фаолиятига алоҳида эътибор берилган. Бу Конституциянинг бир қатор нормаларида ҳам ўз аксини топган. Бинобарин, Асосий қонунимизнинг 56-моддасида белгиланишича, Ўзбекистонда қонунда белгиланган тартибда рўйхатдан ўтказилган касаба уюшмалари, сиёсий партиялар, олимларнинг жамиятлари, хотин-қизлар, фахрийлар ва ёшлар ташкилотлари, ижодий уюшмалар, оммавий ҳаракатлар ва фуқароларнинг бошқа уюшмалари жамоат бирлашмалари сифатида эътироф этилади.

Мамлакатимизда нодавлат-нотижорат ташкилотлари фаолиятини ҳуқуқий тартибга солувчи қатор норматив-ҳуқуқий хужжатлар, жумладан, «Ўзбекистон Республикасида жамоат бирлашмалари тўғрисида», «Касаба уюшмалари, уларнинг ҳуқуқла-

ри ва фаолиятининг кафолатлари тўғрисида», «Сиёсий партиялар тўғрисида», «Нодавлат-нотижорат ташкилотлари тўғрисида», «Жамоат фондлари тўғрисида», «Сиёсий партияларни молиялаштириш

қувватлашлари мумкин», — дейилган.

2008 йил 3 июлда мазкур ташкилотларни ва фуқаролик жамияти институтларини янада ривожлантириш учун Олий Мажлис Қонунчилик па-

латаси Кенгаши ва Сенат Кенгашининг «Нодавлат-нотижорат ташкилотларини, фуқаролик жамиятининг бошқа институтларини қўллаб-қувватлашни кучайтириш чора тadbирлари тўғрисида»ги қўшма қарори қабул қилинди. Шу асосда «Ўзбекистон Республикаси Олий Мажлиси ҳузуридаги нодавлат-нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди» тузилди ва Адлия вазирлигида 2008 йил 28 июлда рўйхатга олинди.

Мазкур фонднинг асосий вазифасига куйидагилар киради: давлат бюджетидан, қонунда тақиқланмаган бошқа манбалардан олинган маблағларни жамлаш, улар орқали фу-

қаролик жамияти институтлари, мустақил нодавлат-нотижорат ташкилотлари фаолиятини ривожлантиришни рағбатлантириш ва қўллаб-қувватлаш; мазкур ташкилотларнинг модда-техник базасини мустаҳкамлаш, уларга ҳуқуқий маслаҳат тарзида, ташкилий, техник ва бошқа хил ёрдам кўрсатиш; уларнинг чет эллик ҳамкорлар билан алоқаларини кенгайтириш юзасидан лойиҳа ва дастурларни ишлаб чиқиш ҳамда амалга оширишга қўмаклашиш.

Бунда фонд маблағлари бевосита нодавлат-нотижорат ташкилотлари ва фуқаролик жамиятининг бошқа институтларига уларнинг талабномалари асосида ва парламент комиссиясининг қарорига мувофиқ субсидия, грант, ижтимоий буюртма тарзида ажратилади.

Фонд фаолиятини ошқоралик принципи асосида амалга оширади, шунингдек, нодавлат-нотижорат ташкилотларига ва фуқаролик жамиятининг бошқа институтларига ажратиладиган маблағлардан белгиланган мақсадда фойдаланилишини таъминлайди.

Ақбар НАБИРАЕВ,
Ўзбекистон Адлия вазирлиги
масъул ходими

Муҳим демократик қадам

OZBEKISTON
 05.00 Курстатлар дастури.
 6.00 «Ассалом, Ўзбекистон!».
 7.00 «Икким».
 7.05 «Емгир симфонияси».
 7.35 ТВ - анонс.
 7.40 «Икки дарё оралигида».
 8.00 «Ахборот».
 8.35 ТВ - анонс.
 8.40 Миллий сериал: «Турмуш чорраҳаларида».
 9.30 «Илҳор».
 9.35 «Юртим бўйлаб» дастури: «Кашкадарё соҳиллари бўйлаб».
 10.10 «Уйла, Изла, Топ!».
 10.50 ТВ - анонс.
 11.00 «Сизнинг адвокатингиз».
 11.10 «ТВ - шифокор».
 11.15 Миллий сериал: «Туғаш тақдирлари».
 11.50 «Ахборот», /инглиз/.
 12.00 «Ассалом, Ўзбекистон!».
 12.50 «Икким».
 12.55 «Елғиз Куш», Т/с.
 14.15 ТВ - анонс.
 14.20 «Олам ва одам» дастури: «Жилваданмаган Африка».
 15.10 Миллий сериал: «Сардор».
 15.50 «Раксинг» сехрли олами.
 16.00 «Одамлардан бери».
 16.20 ТВ - анонс.
 16.25 «Минг бир хунар».
 17.00 «Эл тинчилиги йўлида».
 17.40 «Ахборот».
 17.10 «Худудлар хаёти».
 17.25 ТВ - анонс.
 17.30 «Стандарт ва сифат».
 «Болалар сайраси»:
 17.45 «Эртанлар - яшиллик».
 18.00 «ТВ - бизнес хабарлари».
 21.50 «Уларим».
 22.00 «Телекуррьер - маркет».
 22.15 «Озбек телерадиокомпанияси».
 22.20 «Ташкилот».
 22.30 «Ташкилот».
 22.35 «Юрт тинчилиги».

ТВ МАРКАЗ
 07.00 Ўзбек навалари
 10.30 «Баву Тегга Landiya» янги йил саргузаштлари
 12.00 Ўзбек навалари
 14.30 «МАДАТАСҚАР 2» Мультфильм
 16.10 Ўзбек навалари
 17.00 «МАМА МИЯ» худфильм
 19.00 «Звездочка» прадзинный выпуск
 20.40 «Ватан химоячилари».
 20.45 «Шажоданинг кўшиги» Т/с.
 21.35 «Харбийлар».
 21.40 «Янги йил навалари».
 21.55 «Алломий авлодлари».
 22.00 «ДАВР».
 22.30 «Тасвир ва таассурот».
 22.50 «Хайв-мамот», Т/с.
 23.35 «Юрт тинчилиги».

ТВ МАРКАЗ
 07.00 Ўзбек навалари
 10.30 «Баву Тегга Landiya» янги йил саргузаштлари
 12.00 Ўзбек навалари
 14.30 «МАДАТАСҚАР 2» Мультфильм
 16.10 Ўзбек навалари
 17.00 «МАМА МИЯ» худфильм
 19.00 «Звездочка» прадзинный выпуск
 20.40 «Ватан химоячилари».
 20.45 «Шажоданинг кўшиги» Т/с.
 21.35 «Харбийлар».
 21.40 «Янги йил навалари».
 21.55 «Алломий авлодлари».
 22.00 «ДАВР».
 22.30 «Тасвир ва таассурот».
 22.50 «Хайв-мамот», Т/с.
 23.35 «Юрт тинчилиги».

TOSHKENT
 17.55 Курстатлар тартиби.
 18.00 Мультфильм: «Тоглик».
 12.55 «Елғиз Куш», Т/с.
 14.15 ТВ - анонс.
 14.20 «Олам ва одам» дастури: «Жилваданмаган Африка».
 15.10 Миллий сериал: «Сардор».
 15.50 «Раксинг» сехрли олами.
 16.00 «Одамлардан бери».
 16.20 ТВ - анонс.
 16.25 «Минг бир хунар».
 17.00 «Эл тинчилиги йўлида».
 17.40 «Ахборот».
 17.10 «Худудлар хаёти».
 17.25 ТВ - анонс.
 17.30 «Стандарт ва сифат».
 «Болалар сайраси»:
 17.45 «Эртанлар - яшиллик».
 18.00 «ТВ - бизнес хабарлари».
 21.50 «Уларим».
 22.00 «Телекуррьер - маркет».
 22.15 «Озбек телерадиокомпанияси».
 22.20 «Ташкилот».
 22.30 «Ташкилот».
 22.35 «Юрт тинчилиги».

ROSSIA
 05.00 «Добро утро, Россия!».
 08.55 «Сотворившая чудо».
 09.50 Т/с «Эксперты».
 10.45 «Вести. Дежурная часть».
 11.00 «Вести».
 11.30 «Местное время. Воронеж».
 11.50 «Вести».
 12.00 Т/с «Бандитский Петербург».
 14.00 «Вести».
 14.20 «Местное время. Воронеж».
 14.40 Т/с «Ваша честь».
 15.40 «Суд идет».
 16.30 «Кулатин и партнеры».
 17.00 «Вести».
 17.30 «Местное время. Воронеж».
 17.55 «Вести. Дежурная часть».
 18.05 Т/с «Женщина без прошлого».
 19.00 Т/с «Кармелита. Цыганская страсть».
 20.00 «Вести».
 20.30 «Местное время. Воронеж».
 20.45 «Спокойной ночи, малыши!».
 21.00 Т/с «Срочно в номер 2».
 22.50 Новогодний парад звезд с М. Галкиным и Н. Басковым».
 01.50 «Вести +».
 02.10 «Дорожный патруль».
 02.30 Т/с «Люди в деревьях».
 03.15 Т/с «Большая любовь».
 04.10 «Сотворившая чудо».

SPORT
 7.00 «Бодрое утро».
 8.00 «Хабарлар» (рус тил)
 8.25 «Малахов +».
 9.15 «Тет-а-тет».
 9.30 «Хабарлар» (узб тил)
 9.50 «Властелин моря».
 10.50 «Шижоат майдони».
 11.50 - 13.25 Футбол. лига чемпионов - 2008.
 13.25 «Местное время. Воронеж».
 13.50 «Спокойной ночи, малыши!».
 14.00 «Вести».
 14.30 Мультфильм.
 18.30 «Хабарлар» (рус тил)
 18.50 «Икки дарё оралигида».
 19.30 «Дорожный патруль».
 19.20 «Таджик чигилари».
 19.30 «Айёмингиз муборак».
 19.35 «Улр баҳори».

OZBEKISTON
 07.00 Курстатлар тартиби.
 7.30 «Салом, Ташкент!» Кунликлар. Информационно-музыкаий дастур.
 8.30 Бизнес-«Пойтахт».
 8.35 «Дил пайванди», Миллий сериал. 19-кисм.
 9.00 «Телекуррьер - маркет».
 9.15 «Анонс».
 9.20 «Юнонасан, Ташкентим!».
 9.30 «Пойтахт» ахборот дастури.
 9.40 «Афиша».
 10.00 «Саломатлик сирлари».
 10.20 «Минг бир хунар».
 10.35 «Оқдин хаёт», Ток-шоу.
 11.20 «Халом едимда...».
 12.00 «Ассалом, Ўзбекистон!».
 13.00 «КиноТашт».
 13.25 Хинд киноси: «Гохи шодлик, гохи гам».
 16.55 ТВ - анонс.
 17.00 «Хавия Бисотидан».
 17.20 «Болалар сайраси».
 17.20 «Дангасан», М/ф.
 17.45 «Очун».
 17.50 Ўзбек опера санъати колдулари концерти.
 18.25 Миллий кино: «Кий эр-таги».
 20.00 «Тахилнома», /рус/.
 20.05 ТВ - анонс.
 21.00 Миллий сериал: «Денгиздан томчи».
 20.40 «Кунгли Кушук исайди».
 21.00 «Тахилнома».
 21.45 ТВ - анонс.
 22.50 «Уйга кайтиш», Б/ф.
 00.10 - 00.20 Тунги навалар.
 00.20 Курстатлар дастури.
 00.25 «Юртим бўйлаб» дастури: «Икки дарё оралиги».
 00.45 «Минг бир хунар».
 01.00 «Тахилнома», /рус/.
 01.30 ТВ - анонс.
 01.35 «Оқдин хаёт», Ток-шоу.
 02.20 Ўзбек опера санъати колдулари концерти.
 02.50 «Заковат».
 03.00 «Нафосат олами».
 04.00 «Тахилнома».
 04.40 Миллий кино: «Хотира райими».
 05.40 - 05.55 Тонгги навалар.
 «Слузайим извилины».

OZBEKISTON
 07.00 Курстатлар тартиби.
 7.30 «Салом, Ташкент!» Кунликлар. Информационно-музыкаий дастур.
 8.30 Бизнес-«Пойтахт».
 8.35 «Дил пайванди», Миллий сериал. 19-кисм.
 9.00 «Телекуррьер - маркет».
 9.15 «Анонс».
 9.20 «Юнонасан, Ташкентим!».
 9.30 «Пойтахт» ахборот дастури.
 9.40 «Афиша».
 10.00 «Саломатлик сирлари».
 10.20 «Минг бир хунар».
 10.35 «Оқдин хаёт», Ток-шоу.
 11.20 «Халом едимда...».
 12.00 «Ассалом, Ўзбекистон!».
 13.00 «КиноТашт».
 13.25 Хинд киноси: «Гохи шодлик, гохи гам».
 16.55 ТВ - анонс.
 17.00 «Хавия Бисотидан».
 17.20 «Болалар сайраси».
 17.20 «Дангасан», М/ф.
 17.45 «Очун».
 17.50 Ўзбек опера санъати колдулари концерти.
 18.25 Миллий кино: «Кий эр-таги».
 20.00 «Тахилнома», /рус/.
 20.05 ТВ - анонс.
 21.00 Миллий сериал: «Денгиздан томчи».
 20.40 «Кунгли Кушук исайди».
 21.00 «Тахилнома».
 21.45 ТВ - анонс.
 22.50 «Уйга кайтиш», Б/ф.
 00.10 - 00.20 Тунги навалар.
 00.20 Курстатлар дастури.
 00.25 «Юртим бўйлаб» дастури: «Икки дарё оралиги».
 00.45 «Минг бир хунар».
 01.00 «Тахилнома», /рус/.
 01.30 ТВ - анонс.
 01.35 «Оқдин хаёт», Ток-шоу.
 02.20 Ўзбек опера санъати колдулари концерти.
 02.50 «Заковат».
 03.00 «Нафосат олами».
 04.00 «Тахилнома».
 04.40 Миллий кино: «Хотира райими».
 05.40 - 05.55 Тонгги навалар.
 «Слузайим извилины».

TOSHKENT
 17.55 Курстатлар тартиби.
 18.00 Мультфильм: «Тоглик».
 12.55 «Елғиз Куш», Т/с.
 14.15 ТВ - анонс.
 14.20 «Олам ва одам» дастури: «Жилваданмаган Африка».
 15.10 Миллий сериал: «Сардор».
 15.50 «Раксинг» сехрли олами.
 16.00 «Одамлардан бери».
 16.20 ТВ - анонс.
 16.25 «Минг бир хунар».
 17.00 «Эл тинчилиги йўлида».
 17.40 «Ахборот».
 17.10 «Худудлар хаёти».
 17.25 ТВ - анонс.
 17.30 «Стандарт ва сифат».
 «Болалар сайраси»:
 17.45 «Эртанлар - яшиллик».
 18.00 «ТВ - бизнес хабарлари».
 21.50 «Уларим».
 22.00 «Телекуррьер - маркет».
 22.15 «Озбек телерадиокомпанияси».
 22.20 «Ташкилот».
 22.30 «Ташкилот».
 22.35 «Юрт тинчилиги».

ROSSIA
 05.00 «Добро утро, Россия!».
 08.55 «Сотворившая чудо».
 09.50 Т/с «Эксперты».
 10.45 «Вести. Дежурная часть».
 11.00 «Вести».
 11.30 «Местное время. Воронеж».
 11.50 «Вести».
 12.00 Т/с «Бандитский Петербург».
 14.00 «Вести».
 14.20 «Местное время. Воронеж».
 14.40 Т/с «Ваша честь».
 15.40 «Суд идет».
 16.30 «Кулатин и партнеры».
 17.00 «Вести».
 17.30 «Местное время. Воронеж».
 17.55 «Вести. Дежурная часть».
 18.05 Т/с «Женщина без прошлого».
 19.00 Т/с «Кармелита. Цыганская страсть».
 20.00 «Вести».
 20.30 «Местное время. Воронеж».
 20.45 «Спокойной ночи, малыши!».
 21.00 Т/с «Срочно в номер 2».
 22.50 Новогодний парад звезд с М. Галкиным и Н. Басковым».
 01.50 «Вести +».
 02.10 «Дорожный патруль».
 02.30 Т/с «Люди в деревьях».
 03.15 Т/с «Большая любовь».
 04.10 «Сотворившая чудо».

SPORT
 7.00 «Бодрое утро».
 8.00 «Хабарлар» (рус тил)
 8.25 «Малахов +».
 9.15 «Тет-а-тет».
 9.30 «Хабарлар» (узб тил)
 9.50 «Властелин моря».
 10.50 «Шижоат майдони».
 11.50 - 13.25 Футбол. лига чемпионов - 2008.
 13.25 «Местное время. Воронеж».
 13.50 «Спокойной ночи, малыши!».
 14.00 «Вести».
 14.30 Мультфильм.
 18.30 «Хабарлар» (рус тил)
 18.50 «Икки дарё оралигида».
 19.30 «Дорожный патруль».
 19.20 «Таджик чигилари».
 19.30 «Айёмингиз муборак».
 19.35 «Улр баҳори».

HTB
 05.30 Детектив «Сквозные раны» (США).
 07.05 М/с «Триклоения Гупливера».
 07.30 «Дикий мир».
 08.00 «Сегодня».
 08.20 Лотерея «Русское лото».
 22.00 Х/ф «Шик».
 00.00 Т/с «С.С.И. Место преступления Нью-Йорк 3».
 01.00 Т/с «Правосудие Декстер».
 02.00 «Бранное чтиво. Для взрослых».
 02.30 «Приговоренные по-американски».
 07.00 «Каламбур».

СТС
 08.00 Х/ф «Чита герлз 2» (США).
 09.55 М/ф «Каникулы Бонифация».
 10.20 М/с «Смешарики».
 10.30 М/с «Калитан Фламинго».
 11.00 М/с «Том и Джерри».
 11.15 «Самый умный».
 13.00 «Галилео».
 14.00 «Снимите это немедленно».
 15.00 М/с «Черный плащ».
 16.00 М/с «Сильвестр и Твити».
 17.00 М/с «Легенда о Тарзане».
 18.30 Т/с «6 кадров».
 18.30 Т/с «6 кадров».
 19.00 Т/с «Планы дочери».
 20.15 Х/ф «Бетховен 5» (США).
 22.00 Х/ф «1408» (США).
 00.00 Т/с «6 кадров».
 01.00 «Хорошие шутки».
 03.00 Х/ф «Клуб «Звезда»» (США).
 Профилактика.

ТВ-3
 08.00 М/ф.
 09.00 М/с «Гадкий утенок».
 09.30 М/с «Тройной Зет».
 10.00 М/с «Кот по имени Ик».
 10.30 М/с «Отечь зомби».
 11.00 Х/ф «Мой научный проект» (США).
 13.00 Д/ф «Разрушители мифов».
 14.00 Т/с «Звездные врата».
 15.00 Т/с «Звездные врата».
 16.00 Д/ф «Городские легенды. Переживи эту ночь. Тай-Джордж».
 17.00 Д/ф «Городские легенды. Летучий голландец Ладоского озера».
 18.00 Д/ф «Городские легенды. Двойная жизнь Невского проспекта».
 19.00 Д/ф «Городские легенды. Тайный код лужников».
 20.00 Д/ф «Городские легенды. Перенеситесь в прошлое. Байкальские миражи».
 21.00 Д/ф «Городские легенды. Магическая сила кримо-кого места».
 22.00 Д/ф «Правда об НЛО: во» (США).
 16.30 Т/с «Опасные секреты» (Франция).
 18.30 Т/с «Счастливая карьера» (США).
 19.30 Драма «Интриганка».
 Фильм 1, ч. 2 (США).
 20.30 Т/с «Кто в доме хозяйин?».
 21.00 Т/с «Коломбо».
 «Репент убийства» (США).
 23.00 Т/с «Моя жена меня приворожила» (США).
 23.30 Мелодрама «Вы не оставите меня...».
 10.20 Преприниматель.
 01.30 Музыка.

ДОМАШНИЙ
 06.30 М/ф: «Паровозик из Ромашково», «Стрекоза и муравей».
 07.00 Домашние сказки.
 07.30 М/с «Любительный Джордж».
 08.00 Живые истории.
 09.00 «Городские путешественники».
 «Прага - город, придуманный писателями».
 10.00 «Модный журнал».
 11.00 «Двое». Лев и Ирина Лещенко.
 12.00 «Жизнь прекрасна».
 14.30 Женская форма.
 14.30 Д/с «Докторология с Лесли Нильсоном».
 15.00 Верните мне маму!
 16.00 Т/с «Долго и счастливо» (США).
 16.30 Т/с «Опасные секреты» (Франция).
 18.30 Т/с «Счастливая карьера» (США).
 19.30 Драма «Интриганка».
 Фильм 1, ч. 2 (США).
 20.30 Т/с «Кто в доме хозяйин?».
 21.00 Т/с «Коломбо».
 «Репент убийства» (США).
 23.00 Т/с «Моя жена меня приворожила» (США).
 23.30 Мелодрама «Вы не оставите меня...».
 10.20 Преприниматель.
 01.30 Музыка.

DTV
 08.00, 05.00 «Клуб детективов» (США).
 08.55 Музыка.
 09.00, 15.30 «Как ухотили курия рыбака» (США).
 23.10 Х/ф «Три полуграции».
 01.30 «Городок».

Довул шиддати

ҳамон инсонларни хавотирга солиб келади

Оммавий ахборот воситаларида дунёнинг турли ҳудудларида, айниқса, Кариб минтақасида юз бераётган кучли довул ва тўфонлар ҳақида хабарлар берилмоқда. Шу ўринда ушбу табиат ҳодисаси тўғрисида маълумот бериб ўтсак.

Шамол туришига босимлар ўртасидаги фарқ сабаб бўлади. Яъни, шамол юқори босимли минтақадан паст босимли минтақа томон ҳаракатланади. Босимлар ўртасидаги тафовут қанча юқори бўлса, шамол кучи шунча шиддатли бўлади. Дарвоқе, шамол кучи Бофорт шкаласи бўйича ўлчанади. Ушбу шкаланинг юқорилаб бориш ҳолатини қуйидагича ифодалаш мумкин.

Айтайлик, дорга осилган кирларни зўрға қимирлатадиган эпкиннинг кучи 1-2 балл. Байроқни ёйиш қувватига эга шамол 3-4 балл бўлса, 5-6 балликда дарахт япроқлари шитирлаб, байроқ ҳилпирай бошлайди. 7-8 балликда эса дарахтлар букилиб, қуруқ шохлар синади.

9-10 баллик шамол денгизда тўфон кўзгай олади ва дарахт танасини синдиради. Тўфон вақтида шамолнинг тезлиги 20 метрдан ошиб кетади. Агар шамол кучи 11 баллдан юқори бўлса, ўта кучли тўфонга айланади. 12 баллда эса, довулга айланади. Довул уйларнинг томини ва машиналарни ағдариш қувватига эга.

Довул ҳар йили дунёнинг кўпгина мамлакатларига зиён келтиради, одамларнинг қурбон бўлишига олиб

келади. Энг ёмони, довул вақтида ҳаво айланма ҳаракат қила бошлайди. Бундай гирдоб қуруқликда торнадо, денгизда эса тайфун деб аталади. Баъзан, у осмонга сув ва қумни кўтариб чиқади. Қуюн шундан ҳосил бўлади. У кўчиб юради ва йўлида неки учраса барини вайрон қилади.

Шундай кучли бўронлардан бири циклондир. Циклон ёмғир билан бирга эсадиган ва вайронагарчиликлар келтирувчи кучли шамол. У йўлида учраган уйлар томини кўчириб, дарахтларни таг-томири билан юлиб отади, экинларга тикланмас зарар еткази.

Циклоннинг марказида паст босимли жой бўлгани учун ҳам улкан ҳаво массаси унинг атрофида тезлик билан айланади. Метеорология станциялари циклон бир жойдан бошқа жойга кўчишини кузатиб боради, муқаррар хавфдан ҳаво ва денгиз кемаларини, унинг йўлидаги минтақаларда истиқомат қиладиган аҳолини огоҳлантириб туради.

Циклон юзлаб, ҳатто минглаб километрлик ҳудудларни қамраб олиши мумкин. Осиёда циклон тайфун, Антил оролларида ураган, Африка ва АҚШда эса торнадо деб аталади.

Хуллас, довулнинг турли ҳудудлардаги номи бир-биридан фарқ қилса-да, унинг чексиз қудрати хавfli кўриниш касб этиши ҳақиқатдир.

Акмал ТОШЕВ тайёрлади

Катрина тўфони оқибатида минглаб одамлар бошпанасиз қолди.

Мьянмадаги тўфон ана шундай кўриниш олган эди.



Самолётлар тўфонга қарши

Ўтган йили тўфонлар кўпгина мамлакатларга катта миқдорда иқтисодий зарар етказган эди. Кўп йиллардан бери олимлар ушбу табиат ҳодисасининг олдини олиш чорасини излашяпти. Шулардан бири тўфонни самолётлар ёрдамида тарқатиб юбориш технологиясидир. Чунки тўфон ичидаги ҳаво оқими ташқи таъсирга нисбатан чидамсиз. Бу озгина таъсир ҳам тўфоннинг ички структурасини ўзгартириб юбориш учун етарли эканлигини билдиради.

Керакли тўлқинни яратиш мақсадида олимлар самолётлардан фойдаланишни режалаштиришяпти. Тўфон кучини камайтириш учун товуш тезлигидан бир ярим баробар тезроқ учувчи иккита F-4 қирувчи самолёти унинг «кўзи» атрофидан учиб ўтиши кифоя.



Бу йил машҳур француз ёзувчиси Жорж Сименоннинг таваллуд тоғганига 105 йил тўлди. Унинг каламига мансуб икки юздан ортиқ роман юздан зиёд тилга таржима қилинган. Ёзувчининг жаҳон бўйлаб доврुक қозонишига сабаб — унинг детектив-саргузашт жанрида сермахсул ижод қилишигина эмас эди. Аввало, «кичик одам»га эътибор, қонунбузарликларга олиб келган асл сабаблар, уларнинг ижтимоий илдизини фойда эта билиш, асарларининг бош қаҳрамони комиссар Мегрэ томонидан мохирона аниқланган жиноятлар, ёрқин образлар қўламини яратиб орқали жамиятга баҳо бера олиш — ана шунларнинг бари ёзувчи Жорж Сименоннинг адабиёт оламидаги муваффақиятининг калити бўлди. Ёзувчи асарларининг ўлмас ва бетакрор образи бўлиши полиция комиссари Жюль Мегрэ ҳақли равишда ҳар бир хонадонга дадил кириб келди. «Жюль Мегрэ неча ёшга кирди? Ҳозир биз эълон қилаётган очеркка кўра, Мегрэ 107 ёшга чиққан бўларди», — деб ёзади 1991 йили биз кўйида эътиборингизга ҳавола этилаётган мақолада. Лекин бу ўринда бир нарсани назардан қочирмаслик керак: асарларида машҳур полиция комиссари образини яратган ёзувчи Жорж Сименон Мегрэнинг саргузаштлари ҳақидаги сўнги китобига 1972 йилда нукта қўяди...

Камдан-кам ҳолларда адабий персонаж Жорж Сименон қаҳрамони сингари китобхонда ҳақиқий ҳаётини ишонч туғдира олади. Шундайки, Мегрэ образини яратган ёзувчи оламдан ўтгач ҳам ушбу персонаж, унинг тақдирини хусусида турфа воқеалар, ақл бовар қилмас ажиб ҳикоялар пайдо бўлади. Ҳақиқатан комиссар Мегрэ тақдирига узоқ умр кўриш битилган экан: шу кунга қадар бу образ қайта-қайта нашрларда, қатор кинофилмларда яшаб келмоқда. Франциядан то Японияга қадар комиссар Мегрэ саргузаштлари битилган китоблар ўқилмоқда, филмлар томоша қилинмоқда, адолатнинг разолат устидан мангу ғалабаси мадҳ этилмоқда.

Ёзувчи Жорж Сименон номи, машҳур комиссар Мегрэ образи ўзбек китобхонига ҳам нотаниш эмас. Ўйлашимизки, машҳур адабий персонаж ҳақидаги маълумотлар, адабий образ умри ҳақидаги марокли фикрлар ўзбек детектив-саргузашт жанри мухлисларини ҳам бефарқ қолдирмайди (Оресте дел Буано, «Панорама» газетаси, Милан).

Жорж Сименон 1903 йили Леж шаҳрида туғилади ва Лозанна шаҳрида (Белгия) оламдан ўтади. Жюль Мегрэ эса ёзувчидан кўра кўпроқ умр кўради. Жаноб Мегрэ 1929 йилда дунёга келади. Ҳар ҳолда ушбу образни яратган, ортиқ Мегрэ саргузаштлари ҳақида ёзмай қўйган адиб ўз қаҳрамонига йўллаган мактубида шундай қайд этади: «Қадрли Мегрэ, эҳтимол мендан мактуб олиб, таажубланарсиз. Ахир сиз билан айрилганимизга ҳам салкам етти йил бўлибди. Мана шу йил сиз билан танишганимизга ҳам эллик йил бўлади. Ўшанда сизнинг ёшингиз тахминан 45 ларда эди. Мен эса 25 ёшларда эдим. Сўнги учрашувимизда сиз 53 ёшга чиққан эдингиз. Негаки полиция хизма-

ти, жумладан, бош комиссар бўлиб ишлаш учун 55 ёш сўнги чегара ҳисобланади-да. Ҳозир сиз неча ёшга чиқдингиз? Мен найранг ишлатиб, пайдан фойдаланибман. Барча қазоси муқаррар инсонлар сингари мен ҳам сиздан тезроқ қаридим. Ҳозир ёшим 76 дан ўтди...».

Шундай қилиб, ҳозир Мегрэнинг ёши нечада? Агар у 1929 йилда 45 га чиққан бўлса, яна бунга орада ўтган 62 йилни қўшсак-чи? Бу ҳисобга кўра, Мегрэ 107 ёшга чиққан бўлади (1991 йил қайди). Агар унинг китобхонлар орасида машҳурлиги, ноширлар муҳаббатини ҳам илова қиладиган бўлса, комиссар Мегрэнинг яна узоқ умр кўришига шу-


Мегрэ ролини ўйнаганлиги, эри — комиссар Мегрэ эса япон эканлиги ҳам унга маълум...».

Жорж Сименон дастлаб детектив-саргузашт жанрида ёзган, 1930 йилда «Файяр» нашриётида чоп этилган илк «Питер-Латиш» романидаёқ жиноятчиларни жой-жойига ўтказиб қўйиш, уларнинг хатти-ҳаракатларини оқлашига ўрин қолдирмаслиқнинг уйдасидан чиққан эди. Ёзувчи Сименон Мегрэ ҳақидаги биринчи романини яратгандан сўнг катта тезлик билан роман кетидан роман ёза бошлади. 1931 йилда «Жаноб Галленинг

бувижонлар...».

Нега ҳаёт, воқелик аслида бу манзарадан бутунлай фарқ қилади? Модомки олам шундай яралган экан, болаларга аслида йўқ ва бўлмаган, бутун умр тасаввурларидагини ҳақиқий воқелик билан таққослайдиган ҳаёлий оламини сингдириш керакмикан?..

Мегрэ ҳаёт (гарчи ўзи менинг ҳеч қандай ғояларим йўқ деб таъкидласа-да), болаларча рангли суратлардан иборат гўзал дунёни воқеликка татбиқ этиш, мослаштириш имкони йўқлиги фожиасидан иборат эканлигини яхши англаб этади.



Ҳаммаша на Викирон ЖЮЛЬ МЕГРЭ

бҳа қолмайди. Адиб Сименоннинг ўзи ана шу жиҳатни юқорида қайд қилинган, «Нуве иллюстре» газетасида чоп этилган мактубда эътироф этган эди: «Сиз ҳалиям Мёнсюр-Луардаги кишлоқда қурилган уйда яшайсизми-йўқми, балиқ овига бориб турибсизми, илгаригидай соябони кенг похол шляпа кийиб олиб, боғингизда ишлаяпсизми; ҳамон илгаригидай мадам Мегрэ сиз севган таомларни пишириб бераяптими, сиз ҳалиям қарта ўйнагани кишлоқдаги эрмакхона-бистрога бориб турибсизми — менинг булардан хабарим йўқ. Мен меҳр ва ҳаяжон билан иккинчиси — сиз билан мадам Мегрэни кўчиб қоламан. Эҳтимол, мадам Мегрэ кўпгина аёлларнинг ўзига ҳавас қилишларига, кўп эркаклар эса худди унингдек хотини бўлишини орзу қилишларига шубҳа қилмайди. Ҳатто телевидениеда бир мафтункор япон аёл мадам

вафоти», «Кўланка» баржасидаги ишбоши», «Мегрэ ва одам калласи» каби асарлари нашрдан чиқади.

Сименон жуда табиий ёзади. Ёзувчининг детектив асарлари устида гап кетганда, айнан уларнинг табиийлигини таъкидлаш жоиз. Мана, қаршингизда басавлат, оғзида трубка, оддий тамаки чекадиган, шароб ва мазали таомдан ўзини тия олмайдиган, соябони қаттиқ шляпа кийиб олган, ёқаси мўйнали палтода, қўлида ноқулай соябон, тағарми резинли туфлидаги киши гавдаланади.

«У оламини болалар кўзи билан кўришни, ҳаётини болаларга аталган ранг-баранг суратли китоблардагидай тасаввур этишни жуда истарди, — дейди Сименон Мегрэ ҳақида. — Ақлли ота-оналар, уларни яхши кўрадиган болалар ҳамда меҳрибон, сочлари кумушдай оқарган бува-

Пул кетидан очкўзларча қувиш, муҳаббатнинг битмас-туганмас ғам-аламлари, шафқатсиз жиноят олами — фақат жиноятчилар учун эмас, барча учун умумий олам. Комиссар Мегрэ ўз текширув-суриштирув ишлари вақти биргина жиноятчининггина айбини аниқлаб бермайди. Кейин у адолатли суд, адлия қўлига топшираётган жиноятчини ўтакетган разил одам санамайди. Унинг учун айбдорни адлия қўлига топшириш иккинчи даражали иш. Бу шу қадар иккинчи даражалики, бу ҳол баъзида умуман юз бермайди. Муҳими, жиноятни, унинг сабабларини очиб.

Бу (Мегрэ образи) детектив жанрининг жуда кам учрайдиган, ноёб персонажларидан бўлиб, ўзининг борлигини сир сақлаш кераклиги устида ўйлаб ҳам ўтирмайди. Гап, эҳтимол, буни охиригача билмаслик мумкин

эмаслигидадир. Мегрэ кўринишдан ювошгина, бироқ фавкулда меҳрибон ва ниҳоятда бардошли аёлга ўйланади. Унинг хотини жуда пазанда, ажойиб бека. Умуман, бу аёл тартибсиз, палапартиш ҳаёт кечирадиган, иш кунининг тайини йўқ, камгап, кўпинча кайфиятсиз, тунд, тажанг юрадиган, дунёда ишидан (яъни жиноятчини излаб топишдан) бўлак ҳеч нима қизиқтирмайдиган, бетиним трубка чекадиган, бирор жумбоқни еча олмаган пайтлари янада жиззакчи, баджаҳл бўлиб кетадиган Мегрэ учун рисоладаги умр йўлдоши эди. Бечора мадам Мегрэ! Сименоннинг бизга ҳикоя қилиб беришича, мадам Мегрэ эндигина турмушга чиққан маҳаллари бир гапириб, ўн қуладиган хушқадқак жувон бўлган. Орадан йиллар ўтади, энди у ҳаётга бениҳоя оқилона нигоҳ ташлайдиган, фақат жилмайиб турадиган сабрли, вазмин аёлга айланади. Худди мана шу жиҳат мадам Мегрэ образининг асосий чизгиларидан бири ҳисобланади.

Фарзанд кўрмаган бу аёл бутун меҳр-муҳаббатини эрига бахш этади. Мадам Мегрэ куннинг истаган пайтида, қоқ ярим тунми, эрини сабр билан миҳжа қоқмай кутиб ўтиради, унга ғамхўрлик қилади. Шуниси қизиқки, бу аёл бирор марта бўлсин, бу меҳнатларини миннат қилмайди. Агар Мегрэ холи қолиб ишламоқчи бўлса, унинг бутун эътиборини жамлаб, фикрлаши учун ҳалақит қилмайди, бир бурчакда жимгина ўтиради ёки умуман ғойиб бўлади. У эрига оқила аёлларга хос ўта зийраклик билан ёрдам бера олади. Бир сўз билан айтганда, мадам Мегрэ ёзувчининг орузидаги аёл, ҳақиқий умр йўлдоши тимсоли.

Комиссар Мегрэни бу аёлсиз тўлақонли тасаввур этиш қийин. Баъзан биз мадам Мегрэ юрагидаги гапларни тўкиб-солишини истаб қоламиз. Мегрэ юз фоиз самимий, унинг хотини эса қисман... Ахир Мегрэдай мураккаб табиатли одам билан яшашнинг ўзи бўладими?..

Сименон Мегрэга ҳатто ўзига ҳам, аёллар бобида устаси фаранг Дон Жуанга ҳам учратиш насиб этмаган ажойиб, вафодор аёлни тортиқ этади. Муаллиф комиссар Мегрэнинг ижобий хислатларини эътироф этган ҳолда, уни оилада тинчлик-осойишталик билан сийлайди. Биз эса эр-хотин Мегрэлар балки юз ёшга кириб, бахтли бўлиб, қўша қаришларини тилаб қоламиз. Баъзида узоқ умр кечириб жонга тегса-да...

Маъсума АХМЕДОВА
тайёрлади

Ориф ФАРМОН

Инсценировка

Детектив

— Биз қалин ўртоқ эдик, — деди у бўғилиб.
— Уч йил бўлди танишганимизга, лекин бир-биримизни умрбод билмадигандай эдик. Кўнглида кири йўқ қиз эди. Бировга ёмонлик қилиши мумкин эмас.

— Каромат билан муносабати қандай эди?
— сўради адвокат.


— Жуда ёмон, расво. Каромат мингтаси билан юрган. Уйга эркак бошлаб бориши Санобарга ёқмасди. Санобар унинг бир жазманига кимлигини айтиб берибди. Жазмани Кароматни ташлаб кетибди. Бунга Санобар айбдор эмас. Гўё у турмуш қурмоқчи бўлган экан. Жазманининг ўзи суриштирган, Санобар тўғриси айтган-да. Ёлгон гапиролмасди бечора.

— Аброр деган йигитни танийсизми?

— Бир-икки кўрганман, Кароматга илакишиб юрадиганлардан.

Тергайдиган ота-онаси узоқда, ўқишга киролмаган Каромат қизлигидан айрилгач, нўхтасини баралла бўш қўйиб юборди. Юзи, кўзлари чиройли, қадди-комати расо бўлгани туфайли тезда жазманлари кўпайиб кетди. Каромат улар ҳисобидан яхши еб-чишга ўрганди. Аста-секин ҳам машаққат қилиб, ҳам пул топадиган бўлди. «Яна нима керак? Уқиши бошидан қолмайдими? Уқиш билан фойдасини кўрган кўради, кўрмаган йўқ», — деган фикрга келди охири.

(Давоми бор)



(Боши аввалги соқда).

Айбланувчининг бошидаги жароҳатга қараганда, у ҳақиқатан ҳам ҳушини йўқотгани эҳтимолдан йироқ эмас...

Адвокат гувоҳ қидириш учун воқеа юз берган уйга йўл олди. Қарангки, квартирама-квартира суриштириб гувоҳни топди. У қўшни квартирани таъмирлаётган уста эди.

— Мен қўшни квартирада иккита аёлнинг жанжаллашаётган овозини эшитдим, — жавоб берди уста адвокатнинг саволига. — Жуда қаттиқ бақириб-чақиритди. Кейин қандайдир эркак кўшилди. «Нима қилиб қўйдинг, Каромат?», — деди у. Аёл йиғлаганча нималардир деб вағиллади...

— Ҳа-ҳа, давом этинг! — хитоб қилди ҳаяжонланиб кетган адвокат. — Яна нималарни эшитдингиз?

— Ваннага қаттиқ шовуллаб сув оқди. Мен чеккани балконга чиқдим. Энди қайтиб кирмоқчи эдим, пастда машина келиб тўхтади. Ундан бир

эркак билан аёл тушди.

— Соат нечи эди?

— Еттилардан кейин... Улар подъездга киришди.

— Аёлнинг кўриниши қанақа эди?

— Қора рўмол ўраб олган, катта қора кўзойнак таққанди.

— Бошқа ҳеч ким кириб чиқмадими?

— Йўқ, кўрмадим, — деди уста қўлидаги шпательни тахтача билан қуриб тозаларкан.

— Раҳмат.

«Демак, таксичи киргунча ичкарида бошқа одам бўлган. Ким у? Албатта, Аброр-да», — ўйлади Шавкат. Устанинг кўрсатмаси унга қатъият бағишлаганди. «Аброр, Каромат ва марҳум қандай одамлар ўзи, муносабатлари қанақа бўлган?». Мана шу саволларга жавоб топилш учун Санобарнинг ишхонасига борди ва яқин дугонаси — офис-менежерни Зумрад билан гаплашди. Дугонасининг ўлими унга қаттиқ таъсир қилган эди, кўзига ёш олди.

Инсонлар турли даврларда қимматбаҳо тошлар, буюмларнинг сирли қудрати мавжуд деган ақидага ишониб келишган. Кейинчалик илим-фан табиатдаги айрим унсурлар, хусусан, тошларнинг инсон соғлигига таъсири борлигини исботлади. Жумладан, Тибет табиблари қахрабодан организмдаги моддалар алмашинувини бир меъёрга келтириш, жигар хасталиklarини даволашда фойдаланишган. Замондошларимизни ҳам тошларнинг саломатликка қандай таъсир кўрсатиши қизиқтириши, табиий.

Шахсийликлар сарфиди

Нақл қилишларича, буржа мувофиқ танланган тақинчоқ ва қимматбаҳо тошлар кишига хуш кайфият, тетиклик бахш этади. Куйида эътиборингизга ҳавола этиладиган маълумотлар орқали ҳаётингизда қайси тош муайян таъсирга эга эканини билиб оласиз.

Куй буржининг омад келтирувчи тошлари олмос, қирмизи ёқут ҳисобланади. Олмос одамга куч-қувват, жўшқинлик, ишонч бағишлайди. Оддий халқ ўртасида олмос таққан кишининг иши юришади, у ёмон кўзлардан ҳимоя қилади, деган гаплар юради. Яна олмос кўзли тақинчоқ тақиб ўхлаган киши ёмон туш кўрмас эмиш. Ёқут эса қон кетишини тўхтатиш, тозалаш, юқумли касалликлар микробларини даф қилиш хусусиятига эга.

Сигир буржидагиларга мовий тусдаги тошлар: феруза ва сапфир яхшилик келтиради. Феруза юрак хасталигининг олдини олади. У — садоқат рамзи, шунингдек, оилада учраши мумкин бўлган келишмовчиликни бартараф этиб, тотувлиқни қарор топтиради, деган қарашлар мавжуд. Кумушга ўрнатилган феруза уйқусизлик ёки босинқирлардан жафо чекувчи инсонларга ёрдам бериб, сариқ касаллигига шифо бўлар экан.

Сапфир эса камтаринлик, беғуборлик ва ишонч тимсолидир. Бу тош кайфиятни кўтаради. Астма, асаб ва юрак хасталиklarидан азиат чекаётганлар учун бу тошдан яхшироқ малҳам бўлмас экан.

«Эгизаклар»га хос тошлар сифатида ақиқ, берилл ва хризопраз келтирилади. Берилл азалдан кишига хуш кайфият бахш этиши билан машҳур. Хризопраз эса тадбиркорлар тумор сифатида қадрлайдилар. Ўзига хос жило ва рангга эга ақиқ ёмон кўздан, ноҳўя иш ва кўнгилсизликлардан асраб, кўзни қувватлантиради. Ақиддан ясалган маржонни тақиб юриш сурункали йўтал, томоқ ва тиш оғригини тўхтатади.

Қисқичбақа буржи вакиллари учун зумрад ва дурга тенг келадигани йўқ. Айниқса, зумрад кони фойда. Мазкур тош ёмон туш кўришдан, юрак хасталиklarидан асрайди, кучли депрессия ҳамда

ички аъзоларнинг сурункали хасталиklarидан фойда беради. Шунингдек, ақл-идрокни тиниклаштирувчи тош сифатида қадрланади. Айтишларича, зумрад кўзли узук (ёки бошқа тақинчоқ) тақиб юрганлар узоқ умр кўрар экан.

«Арслон»ларга сариқ рангдаги тошлар: қахрабо, оливин, хризолит ва топаз мос. Чунончи, хризолит руҳиятни тетиклаштиради. Қадимда бу тошга келажакни башорат қилишга ёрдам берувчи восита дея қаралган. Кўп халқлар оливин омад келтиради, топаз тоши эса уйқусизлик, қон-томир касалликларига шифо бўлади дея ишонишади. Қахрабо эса йод етишмаслиги, тери, томоқ касалликларидан анча фойдали. Ҳомиладор аёл қахрабо кўзли тақинчоқ тақиб юрса, кўз ёриши осон ўтар экан.

Сунбула буржидагиларга сердолик ва яшил (кўкимтир рангдаги минерал) тошлари бахт келтиради. Маълумотларга кўра, улар кумуш ва платинага ўрнатилганда омад бағишлайди, бироқ олтинга ўрнатилгани хайрли эмас. «Ҳаёт тоши» дея эъзозланадиган яшил буйрак ва жигар хасталиklarига чалинишидан ҳимоялайди. Кўзга қувват ато этади. Сердолик тоши эса ошқозон касалликларининг олдини олиш, ёмон кайфиятни тарқатиш хусусиятига эга.

Тарози буржи вакиллари учун опал, лазурит тошлари мос. Опалга Европада бойликка берилиш, мол-дунёга хирс кўйиш, ёмон фикр ва худбинликдан сақловчи тумор сифатида қаралади. Фарб уйғониш даврида тиллага ўрнатилган камалакранг тошлар бахтсизлик рамзи сифатида қабул қилинган. Лазурит ана шундай тошларнинг салбий хусусиятларини бартараф этади, дея ишонишган. Ёзилишича, унинг тутқанок, бод ва тери касалликлари муолажасида ёрдами катта.

«Чаён»ларга хос тошлар ёқут, аквамарин ва маржондир. Ёқут — севги ва дўстлик рамзи. Нақл қиладиларки, киши ўз ёқутини ўғирлатиб кўйса, унга тез орада кулфат ёғилар экан. Аквамарин тоши бахтли оила, муҳаббат ва ҳурмат белгиси. Уни кўпинча денгизчилар ўзлари билан олиб юрганлар ва сёҳратнинг турли тасодифларсиз кечишига ёрдам беради, деб

ишонганлар. Шунингдек, аквамарин асабни тинчлантириш хусусиятига ҳам эга. Маржонларнинг эса хотирани мустаҳкамлаш, ички яраларни тузатиш ҳамда гепатитдан ҳимоялаш каби хусусиятлари алоҳида қайд этилади.

«Ўқотар»лар учун топаз, хризолит ва аметист тошлари фойдали. Топаз ва хризолитга хос хислатлар юқорида келтириб ўтилди. Аметист спорт ва овда муваффақият гарови ҳисобланади. Бу тош хотиржамлик ва омад рамзидир. Ўқотарларга яшил тошидан қилинган буюмларни ишлатиш тавсия этилмайди.

Тоғ эчкиси. Улар қирмизи ёқут, тўқ рангдаги оникс ва яшил тошни ардоқлайдилар. Қирмизи ёқутга муҳаббатда саодатга эришиш калити сифатида қаралади. У камқонлик, уйқусизлик ва умуртқа касалликларининг олдини олишда асқотади. Юқорида унинг бошқа хислатлари ҳам айтиб ўтилди. Тўқ рангдаги оникс ўз эгасида бошқарувга бўлган майлни кучайтиради. Шунингдек, хотирани мустаҳкамлашда фойда беради.

Қовға буржи соҳибларига циркон ва ёқут тегишли. Шарқда «олмоснинг иниси» деб қараладиган циркон ақлий фаолиятни яхшилайди. Айниқса, сёҳратчилар томонидан жуда қадрланади. Қадимдан бу тош йўлларда учрайдиган ҳар қандай фалокатдан, ваҳший ҳайвонлар ҳужумидан асрашига ишонишган.

«Балик»ларга марварид ва аметист омад келтиради. Хиндистон қирғоқларидаги оч пушти, Мексика кўрфазидидаги қора, Шри-Ланка соҳилларидаги сариқ ва кумушранг, Австралидаги ок, Калифорния кўрфазидидаги қизғиш, Япон денгизидидаги тўқ яшил марваридлар бу бурж соҳиблари учун айрича қимматга эга. Марварид кўзга нур бағишлайди, жавобсиз ишқ азоби ва ёмон назардан асрайди. Мазкур тош қадалан узук соҳибини бахтсиз тасодифлардан ҳимоя қилармиш. Шунингдек, иситмани туширишда, юқумли касалликларнинг олдини олишда, буйрак хасталиklarидан, уйқусизликда фойдали. Нақл қилишларича, марварид ранги «хўжайини» вафотидан сўнг хиралашиб қолади.

Жамшид НИЁЗОВ



Мутахассисларнинг фикрига қараганда, биз иш кунининг бор-йўғи 20 фоизини унумли ўтказамиз. Қолган вақтимиз эса асосан бекор ўтиб кетади. Аммо кун тартибини тўғри ташкил қила олсангиз, иш унумингиз анча яхшиланиши мумкин экан. Куйида биз кўпроқ нарсага улгуриш мақсадида йўл кўядиган баъзи хатолар ҳақида тўхталиб ўтамиз.

1. Тушлик вақтида ҳам бирор ишларни қилиб олишга ҳаракат қиласиз.

Лекин бунинг нотўғри эканлигини мутахассислар ҳам исботлашган. Сабаби — соат 14.00 дан 15.00 гача бўлган вақт давомида бизнинг жисмоний ҳамда ақлий фаолиятимиз нолга тенг бўлади.

2. Иш кунини узайтиришга ҳаракат қиласиз.

Меъридан кўп вақт мобайнида ишлашнинг фойдасидан кўра зарари кўпроқдир. 8 соатлик иш кунидан сўнг меҳнат унуми камайса камайдики, аммо ошмайди. Чарчоқ кўпроқ хатога йўл кўйишимизга олиб келади, бу эса иш сифатини пасайтиради.

3. Уйга бирор ишни олиб борасиз.

Бу хусусиятингиз билан авваламбор ўзингизни дам олишдан маҳрум қилиб, охир-оқибатда бор кучингиздан айрилсангиз, иккинчидан, шахсий ҳаётингизга ҳам зарар етказасиз.

4. Меҳнат таътилидан ўз ихтиёрингиз билан воз кечасиз.

Ҳар бир организм маълум вақт давомида дам олиши зарур. Агар уни бу ҳордикдан маҳрум этсангиз, унда профессионал ютуқларни ҳам кутманг. Шундай экан, юқорида ўзингиз билиб-билмай йўл кўядиган баъзи ҳолатлардан воз кечсангиз, иш вақтингизни унумли ўтказишга эришган бўласиз.

Энди куйида келтирилган тест орқали вақтингизни чиндан ҳам одилона тақсимлай олаёйсизми деган саволга жавоб топишга уриниб кўринг.

Саволларга жавоб сифатида «ха», «баъзан», «йўқ» сўзларидан бирини танланг.

1. Бўш вақтингизни одамлар (масалан, танишувлар, дўстлар, ҳамкасблар)га сарфлайсизми?
2. «Олди-қочди» адабиётлар (фантастика, комедия, саргузашт) ўқийсизми?
3. Жиддий асарлар ўқийсизми?
4. Уйда касб-корингизга боғлиқ иш билан шуғулланасизми?
5. Уй ишлари, кундалиқ маиший юмушлар билан шуғулланасизми?
6. Бутун бўш вақтингизни эгаллайдиган хоббингиз борми?
7. Шахсий ҳаловатингиз учун яққа тартибда спорт билан шуғулланасизми?
8. Бўш вақтингизни кўшимча даромад келтириш мумкин бўлган ишларга сарфлайсизми?
9. Кино, театр, концерт, музейларга борасизми?
10. Ресторан, кафе, базмларда бўласизми?
11. Жамоат ишлари билан шуғулланасизми?
12. Телевизор олдида ўтиришни яхши кўрасизми?

Энди натижалар билан танишинг.

Аввал 6 та тоқ сонларнинг жавоблари йиғиндисини жамланг.

НАТИЖАЛАР:

«Ха» деган жавоб учун очко кўйилмайди, «Баъзан» деган жавоб 1 очко, «Ҳеч қачон» 2 очкога тенг.

0-5 очко — сиз ҳаётда қатъий мақсадга эга бўлган, тўғри йўл танлаган инсонсиз. Ҳаётни қизикарли, мароқли ўтказиш борасида тўлиқ тасаввурга эгасиз.

6-9 очко — сизнинг ҳаётдаги талабларингиз биров сустроқ, кўпинча бошлаган ишларингизни ниҳоясига етказолмай қоласиз.

10-12 очко — сиз ҳаётга юзаки муносабатда бўласиз, бўш вақтдан ёмон фойдаланасиз, кўп зерикасиз, атрофдагиларнинг маслаҳатларини оғриниш билан қабул қиласиз. Одатларингизни ўзгартириш ҳақида ўйлаб кўринг.

Ўзингиз ҳақингизда кўшимча маълумот олиш учун 6 та жуфт сонли саволлар жавобини ҳисоблаб чиқинг.

0-5 очко — ўйин-кулгуга жуда берилгансиз, бўш вақтингизни беҳуда нарсаларга сарфлайсиз.

6-9 очко — жуда меҳнатсевар одамсиз, аммо анча одамовисиз, бўш вақтингизни севимли ишларингиз билан ёлғиз шуғулланишга сарфлайсиз.

10-12 очко — сизнинг бутун эътиборингиз вақтингизни қатъий ҳаётий дастур асосида ўтказишга қаратилган. Аммо бошқа юмушлар учун ҳам вақт топа оласиз.

Профессионал бокс томошабоплиги билан спорт турлари орасида ўз ўрнига эга. Бунда юртимиздан етишиб чиққан чарм кўлқоп усталарининг ҳам муносиб хиссаси бор. Муаммолар ҳам йўқ эмас. Шулар ҳақида Ўзбекистон профи-бокс федерацияси вице-президенти Дониёр Эргашев билан суҳбатлашдик.



ишлаб чиқилганми?

— Бугунги кунда бир қатор чарм кўлқоп усталари миз РАВА, WBC ва WBO йўналишларида ўз рейтинг очколарига эга. Бирок вазн тоифалари

турли версиялар конвенцияларида қатнашиб, ма-лака ошириш талаб этилади. Саккиз йил давомида турли анжуманларда қатнашиб, WBC ва РАВА йўналишлари бўйича супервайзерлик қилиш ҳуқуқини кўлга киритдим. Шунингдек, юртимизда Набижон Исманов ва Равил Губанов ҳам тажрибали ҳакамлардан ҳисобланади...

РЕЙТИНГ ЖАДВАЛИ ЗАРУР

— Дониёр ака, профи-бокс бўйича жанглари ташкил этишда промоутерларнинг машаққатли меҳнати, шунингдек, мутахассисларимизнинг халқаро тажрибаси ва маҳоратини ошириш йўлида федерация томонидан амалга оширилаётган ишларга тўхталиб ўтсангиз...

— Олти нафар ҳамюртимиз промоутерлик лицензиясига эга бўлиб, улардан Акмал Асланов, Омон Раҳимов, Шухрат Хайдаров жанглари уюштиришда бошқалардан ажралиб туришади. Мутахассисларимиз малакасини ошириш масаласига келсак, халқаро мақомдаги профессионал мусобақалар олдидан ҳакамлар ва мураббийлар учун семинарлар ташкил этилади. Турли мавзуларда савол-жавоблар бўлиб ўтади.

— 2008 йилнинг август ойида «Туркистон» ёзги саройида Ўзбекистон чемпионлиги учун жанг ташкил этилиб, унда «Биллур» профессионал бокс клуби аъзоси Беҳзод Набиев Мақсуд Жумаев устидан галаба қозонди. Бу каби титул жанглари тез-тез уюштириш мумкинми?

— Агар промоутерлар чемпионлик камарига муносиб жангчиларни топиб, баҳс уюштироқчи бўлса, ўз таклифларини ёзма равишда федерацияга билдиради. Биз бунга жуда қисқа фурсатда ўрганиб чиқиб, жуфтликдаги боксчиларнинг лицензияси бор-йўқлигини, тиббий маълумотларини, охириги жангини қаерда ва қандай натижа билан ўтказганини таҳлил қиламиз. Демак, чемпионлик камари жанглари ўтказиш промоутерларнинг ташаббусига боғлиқ.

— Чемпионлик жанглари Федерация маблағлари томонидан ҳам ташкил этилади-ми?

— Ҳа, имкониятига қараб федерация ҳам жанг ташкилотчиси бўлиши мумкин.

— Матчмекерлар ва промоутерлар жанг уюштириш олдидан рақибларни ўрганиши учун боксчиларимизнинг рейтинг жадвали

Профи-бокс:

ЎТУҚ ВА МУАММОЛАР

САКСОНГА ЙИГИРМА ФОИЗ

Профессионал бокс промоутерлари сафига қўшилган Омон Раҳимов спортга бегона эмас. У 1995-96 йилларда «Пахтакор» мактабида Павел Шагенович қўл остида футбол машғулотларига қатнади. 1998 йилда «Биллур» бокс ва кикбоксинг клубида мураббий Руслан Дадахоновдан яккакураш сирларини ўрганди. Кикбоксинг бўйича жаҳон чемпиони Олмос Юсуповга ҳавас қилди. Бироқ оилавий шароитига кўра, спортдан кетишга мажбур бўлди...

2008 йилдан эса у яна спортга, аниқроғи, профи-боксга қайтишга қарор қилди, фақат бу сафар промоутер бўлиб. Август ойида «Туркистон» саройида, яқинда «Жар» спорт мажмуасида ўтган рейтинг жанглариининг промоутери сифатида мухлисларга таниш бўлиб қолган Раҳимовга ҳам бир неча саволлар билан мурожаат этдик.

— «Жар»да «Биллур» профессионал бокс клуби аъзоси Жасур Алижонов фарғоналик Абдунонопов Кўчқоровни, Азамат Маткаримов «Локомотив» ПБК аъзоси Александр Терновенко, Бахтиёр Зокиров «Динамо» ПБК боксчиси Рустам Эргашевни, Носир Рўзиматов Шерзод Абдусатторовни («Ринг») муддатидан олдин мағлубиятга учратди. Бундан ташқари, Баҳром Паязов қозғистонлик Юрий Жарковни биринчи раунддаёқ нокаутга учратди. Бундаин нотенг жанглари хатто 6-8 раунд ўтиши белгиланган — ҳамюртимиз Равшан Худойназаров ва чимкентлик Денис Джуманов, Аваз Акромов ва Расул Мамаюсов (Маргилон), Олим Назаров ҳамда Нодир Исроилов баҳсида ҳам кузатилди.

Мазкур ҳолатларда

жанг олиб бораётган боксчилар маҳоратидаги тафовут бир-биридан катта фарқ қилишини кўрдик...

— Албатта, рейтинг жанглариини уюштиришдан кўзланган бош мақсад ҳам ўзбек боксининг ривожига, боксчиларнинг маҳоратини ошишига ҳисса қўшишдан иборатдир.

Аммо таъқидлаганингиздек, барча жангларида ҳам қизиқарли учрашувларни гувоҳи бўлмадик. Бу клублар менежер ва мураббийларининг рақиб имкониятини тўлиқ ўрганмасдан, улар ҳақида етарлича маълумотга эга бўлмасдан мусобақага келганини кўрсатди. Қолаверса, баъзи боксчиларнинг жисмоний тайёргарликка жиддий эътибор бермагани намоён бўлди.

Биласиз, «All boxing. ru»

федерациясидан, ҳамкасб дўстларимиздан ахборот оламиз. Машғулотларда жангга жиддий тайёргарлик кўришга ҳаракат қиламиз.

— «Жар»да шогирдингиз Жасур Аҳмадбеков «Ринг» клуби аъзоси Бобур Бешимовни дастлабки раундда мағлуб этган бўлса-да, Александр Терновенко шу тахлитда Азамат Маткаримовга бой берди. Нима, Сашанинг тайёргарлиги жойида эмасмиди?

— Бобур клубимизнинг биринчи рақамли боксчиси. Ундан умидимиз катта. Александрга келсак, у ўзининг дебют жангида мағлуб бўлди. Жанг давомида унинг кўли икки жойидан сингани учун баҳсни эрта тўхтатдик. Аммо Терновенко ҳали ёш ва унинг натижалари олдинда.



— Профи-бокс оламида қайси мутахассислар билан ҳамкорлик қиласиз?

— Қозғистонлик Эрик Жайлаов, «Биллур» клуби мураббийи Руслан Дадахоновдан кўп нарсани ўрганаман.

«Локомотив» профессионал бокс клубида иш бошлаганимга эндигина икки йил бўлди. Руслан Дадахонов эса қарийб ўн йилдан буён «профи»да. Бироқ клубимиз ҳали оёққа туриб олади ва биз етакчи клубларни қувиб ўтаемиз.

Профессионал бокс бўйича бир неча бор жаҳон чемпиони бўлган ҳамюртимиз Артур Григоряннинг «Локомотив»дан чиққанидан хабардорсиз. Ниятимиз, Артурга муносиб издошлар, чемпионлар тарбиялаш. Ўзим рингда жангни тезкор олиб борардим. Шунинг учун шогирдларимдан ҳам шуни талаб қиламан: Бошла, ур ва йиқит. Ёқтирган боксчим — Майк Тайсон...

Фурсатдан фойдаланиб, машғулот ва мусобақаларимиз учун шароит яратиб бераётган «Локомотив» марказий жисмоний тарбия ва спорт клуби директори Маликахон Саидхўжаевага миннатдорчилик билдираман. Боксга ихтисослашган «Локомотив» болалар ва ўсмирлар спорт мактаби мураббийлари ҳам биздан ўз кўмагини аямаётганлигидан хурсандман.

Акмал АБДИЕВ,
«Ishonch» муҳбири



Европада газ муаммоси

Бугун Россиянинг «Газпром» компанияси вакиллари Брюсселда Европага газ етказиб бериш бўйича Еврокомиссия ва Европарламент билан музокара ўтказишни режалаштирган. Бу ҳақда Сешанба куни бош вазир Владимир Путин билан бўлган ушрашувда компания раҳбари Алексей Миллер маълум қилди.

Янги шартнома тузилмаганлиги боис «Газпром» 2009 йил 1 январдан Украинага газ беришни тўхтатган эди. Украина эса мамлакат ҳудуди орқали Европага етказиб берилаётган газдан фойдаланишни бошлаган. 6 январда Россия федерал божхона хизматининг кўрсатмаси бўйича «Газпром» газ транзити ҳажмини украинлар фойдаланган газ миқдорига камайтирди. Ўша куни кечқурун китъадаги кўпгина давлатлар Россиядан келаётган газ тўхтаганини, айримлари эса камайганини маълум қилишди.



Қисқа

сатрларда



Беларус президенти Александр Лукашенко «ИИВ ходимларига ер участкалари беришда қонунларга риоя қилиниши устидан назоратни таъминлаш чораларини кўрмаганлиги учун» ички ишлар вазири ва Давлат мулки кўмитаси раисига ҳайфсан эълон қилди.



Шимолий Корея матбуотида анча вақтдан бери оммага кўринмаган давлат бошлиғи Ким Чен Ирнинг Кангвон провинциясида қурилаётган ГЭСга ҳамда ёш оиланинг уйига ташири ахс этган фотосуратлари эълон қилинди.



Германиянинг Блаубойрен шаҳри яқинидаги темирўлдан 74 ёшли немис миллиардери Адолф Меркленнинг жасади топилди. Иқтисодий инқироз туфайли ўтган йилнинг кузида анча бойлигидан маҳрум бўлган Меркле ўз жонига қасд қилган деб тахмин қилинапти.



Денгиз қароқчиларига қарши курашиш учун Хитойнинг учта ҳарбий кемаси Адан кўрфазига кираётган бир пайтда Нигерия қирғоқлари яқинида қароқчилар Франциянинг «Бурбон Леда» кемасини кўлга олишди.



Ҳиндистоннинг «Air India» авиакомпанияси ортиқча вазнга эгаллиги учун 9 нафар стюардессани ишдан бўшатди. Энди жабранувчилар мамлакат Олий судига шикоят қилишмоқчи.

Интернет хабарлари асосида Ҳасан НИШОНОВ тайёрлади

Важ асослими?

Иқтисодий қийинчиликлар туфайли Эстонияда қонунларни рус тилига таржима қилиш ишлари тўхтатилди. Шу тариқа мамлакат аҳолисининг деярли 400 минг нафари маҳаллий ҳуқуқий ҳужжатлар билан она тилида танишиш имкониятидан маҳрум бўлди.

Адлия вазирлигидан маълум қилишларича, ҳозир эстон қонунлари фақат инглиз тилига таржима қилинапти. Евроиттифоқ ва бир қатор халқаро ташкилотлар эса анча вақтдан буён Эстониянинг рус тилида сўзлашувчи аҳолига нисбатан юритаётган сиёсатини танқид қилиб келади.

Айтиш жоизки, 2008 йилнинг учинчи чорагида Эстония ялпи ички маҳсулоти 2007 йилнинг шу давридагига нисбатан 3,3 фоиз камайган.




Голландия тарихида илк бор...

«France Presse» агентлиги тарқатган хабарга кўра, Голландия тарихида биринчи марта муҳожир шаҳар ҳокими бўлган. Асли мароккашлик бўлган Аҳмад Абутолиб душанба куни қасам-ёд қилиб, расман Роттердам шаҳри ҳокими вазифасини бажаришга киришган.

Янги ҳоким 1961 йили Марокашда туғилган, 14 ёшида Голландияга кўчиб келган. Журналистлик қилган, сўнг Амстердам шаҳар кенгашида ишлаган. Кейинроқ ҳукуматда ижтимоий масалалар бўйича котиб лавозимини эгаллаган.

У Голландия меҳнат партиясининг аъзоси ҳисобланади.

Кузатувчиларнинг қайд этишича, Абутолиб мамлакатнинг мусулмон аҳолиси орасида анча машҳур.



Украиналик судя қидирилмоқда

Украина ички ишлар вазири Юрий Луценконинг «Высокий замок» (Лвов) газетасига берган интервьюсида айтилишича, Лвов апелляцияон маъмурий судининг собиқ раиси Игор Зваричга нисбатан халқаро қидирув эълон қилинган.

Мамлакат ҳуқуқ-тартибот органлари Зварични 100 минг доллар миқдорига пора олганликда айбламоқда. 2008 йил 3 декабр куни у ва ҳамкасбларининг хизмат хоналари ва уйларида тинтув ўтказилгандан сўнг Зварич касалхонага тушган эди. 12 декабрда у йўқолиб қолган.



Порнографияга Хитойда жой йўқ

Хитойда интернетда ноҳўя ахборот, жумладан, порнографик материаллар тарқатилишига қарши курашиш бўйича навбатдаги компания бошланди. «China Daily» нашрининг хабар беришича, «қора рўйхат»га мамлакатдаги асосий қидирув хизмати — «Baidu», шунингдек, «Google», жами 19 та сайт киритилган. Уларга нисбатан қатъий чоралар кўрилиши кутилапти.

Умуман олганда, интернетнинг Хитой секторига цензура қаттиққўллиги билан ажралиб туради. Бунинг исботи сифатида Хитой аҳолиси 2008 йилнинг декабридан бошлаб BBC, «Voice of America», «Asiaweek» сайтларига кириш имкониятидан маҳрум қилинганини айтиш жоиз.




百度 网页 贴吧 知道 音乐 图片 视频


百度一下

2008 12 23 11:54:22

百度

©2008 Baidu. 使用百度前必读: 百度贴吧吧务规则 V3.0 百度





«Жаён қочул, билломайман!»

Янги кийим харид қилгали «Чилонзор» буюм бозорига борган ўртоғим авзойи бузилганча қайтди.

— Анави лўлиларни айтмайсанми? Қаерда пулнинг, издиҳомнинг хидини олса, ўша ерда ҳозир нозир. Бежиз бе-маза қовуннинг уруғи кўп бўлмас экан-да, — деди саволимга жавобан.

— Нима бўлди ўзи? Мундоқ очилиброқ гапир!

— Автобусдан тушиб, бозор дарвозасига яқинлашганимни биламан, бир-нечтаси атрофимни ўраб олса де! Тагин одамга суйкалиб пул сўрашларига ўлайми?! Биттасига берсанг, қолганлари ҳоли-жонингга қўймайди. Сал нарида буларнинг аёл уруғлари қопқон қўйган экан. Гапларини қара: «Ҳой, чиройли йигит, ке, бахтингдан очаман, келажангдан айтаман», «Ҳой, бачам, манга қара, пешонангда ойдаи сулув қиз кўринопти, сал пулни аямасанг, тақдирларингни билиб бераман...».


Ҳам куламан, ҳам ўйга толаман. Кулганим — табиатан таъсирчан, тақводорроқ дўстимнинг лўлилардан инсоф кутиб гапиргани бўлса, ташвишланганим — ҳаётимизда бундай ҳодисалар тобора кўпроқ кўзга ташланаяпти. Ачинарлиси, лўлилар фаоли-

ятининг турган-битгани алдов, кўрқитиш, гипноздан иборат бўлса-да, кўлаб юртдошларимиз хануз уларга ишонишади.

Яхши эсламан: болалигимда уйимизга кунда-кунора лўлилар садақа сўраб келишар эди. Биз уларни мўлтони, жўги деб атардик. Уйдагилар уларга пул-мул, кўпинча нон беришар, баъзан эҳсон учун ичкаридан нарса олиб чиқишга кириб кетишарганда бизга улардан огоҳ бўлиб туришни уқтиришар эди. Чунки кўни-кўшниларнинг эътиборсизлиги туфайли улар келиб-кетгач, баъзи буюмлар йўқолиб қолганини бот-бот қайтаришарди. Баъзан кичкина болалар гапга кирмаса катталар: «Агар шундай қилаверсанг, мўлтонига бериб юбораман!», — дея пўписа қилишарди.

Шу гап қулоққа ўрнашиб қолган эканми, 5 — 6-синфларгача лўлиларни кўрганда тумтарақай қочар эдик.

Уларнинг тили ҳам қандайдир галати эди. Кўп сўзлари тожикчага ўхшаш. Ён-атрофимизда тожик оилалар истиқомат қилгани боис, улардан бу ҳақда сўрардик. Айтишларича, лўлилар (Ўзбекистон лўлилари) ифода учун тожик тилини танлашгани рост. Фақат ўзаро узвийлик ва ўзларининг хийла, макрларини бошқаларга сез-



дирмаслик учун кўпинча сўзларни бузиб, ўзгартириб, ҳатто тескари талаффуз қилишар экан.

Лўлиларнинг Ўзбекистонга қаердан ва қачон кириб келганлиги ҳақида тарихий маълумотлар анча кам. Баъзиларида зиддиятли қарашлар кўзга ташланади. Аксар тадқиқотчилар лўлиларни Туркистонга кўп асрлар муқаддам Ҳиндистондан келган деб ҳисоблайди. Бу фикрда жон бордек. Юртимизнинг кўпгина ҳудудларида лўлилар мўлтони деб юритилиши, Мўлтон шаҳри эса ҳозирги Покистонда жойлашгани ва яқин-яқингача Ҳиндистон ва Покистон яхлит мамлакат бўлганини ёдга олиш кифоя.

Бошқа тарихчилар Фирдавсийнинг «Шоҳнома»га асосланиб куйидаги фикрни ўртача ташлайдилар: асарда кел-

тирилишича, ҳинд роҳаси Шангул томонидан сосоний ҳукмдор Баҳром гўрга ҳадыя этилган 12 минг машоқ, созанда, хонанда ва раққослар ҳозир Эрон ва Туркистонда яшовчи лўлиларга аждод ҳисобланади.

Лўлилар аждодларининг тарихий ватанларини тарқ этишига, кўпчилик тадқиқотчиларнинг фикрича, 10 — 11-асрларда чет эл босқинчиларининг бостириб кириши натижасида Шимоли-ғарбий Ҳиндистонда рўй берган кескин ўзгаришлар сабаб бўлган. Босқин натижасида лўлилар азалий касб-кори бўлмиш қўшиқчилик, раққослик, муסיқачилик билан шуғулланиша олишмайди. Шу боис ўзга юртларга бош олиб кетишади.

Бу бир тахмин ҳолос. Балки бу ҳақда сиз биларсиз, азиз газетхон?

ЖАМШИД



Тишлар бари тўқилди, Сабабчи — суюк қаззоб. Энди дўхтир олдиға Киришнинг ўзи азоб.

Ишхонага келгандим, Ёпишиб қолдим бирдан. Билсам ҳаммаёқ буёқ, Қилинган экан дилдан.

Шошмагин дейишса-да, Эшикка отдим ўзим. Бу эшик эмас экан, Оддийгина бир расм.

Азизбек НОРОВ, Қарши шаҳри

Ошхонада ажиб ҳид, Билмам қайдан келади? Агар бўлса газ ҳиди, «Кеша» қайдан билади?

Тиззанг узун мушуквой... «Эътибор ҳам бермайсиз. Чорласам-да ёнимга, Эҳ хўжайин, келмайсиз».

Ойнага қарамайман, Мен барибир хунукман. Жойим билан ҳар доим, Уддабурон мушукман,

Ўзгармайсан мушуквой Қанчалик кўп қарама. Башаранг бўлса қийишқ, Ойнадан ўпкалама.

Асадулло МИРЗААКБАРОВ, «Ҳамкорбанк» ОАТБ бирлашган касаба уюшмалари кўмитасининг раиси



Энди навбатдаги суратта изох топинг-чи?

Бодомли пирог

Балки, асқотиб қолар...

Тухумнинг оқини кўпиртириб, оз-оздан шакар қўшиб кўпиртиришни давом эттирамиз. Сўнгра ун, ванилин, бодом солиб ҳаммасини яхшилаб аралаштирамиз. Қолипни ёғлагач, пиширишга қўямиз. Бошқа идишда шокладли глазур тайёрлаймиз. Бунинг учун какао, сут, шакарни аралаштириб оловга қўйилади ва қайнаб чиққунга қадар қовлаб турилади. Сўнгра совутилиб, тайёр бўлган пирог устига бир текис суртамиз ва какос қириндисини сепамиз. Оппоқ қорға ўхшаб кетадиган бу пирог янги йил дастурхонининг кўрки бўлиши шубҳасиз.

Керакли масаллиқлар:
6 дона тухум, 1,5 стакан шакар, 1 ст.дан ун ва бодом мағзи, 5 қошиқ какао, 11 қошиқ шакар, 1ст. сут, 50гр. сарийёғ, ванилин ва какос қириндиси.



Тошкент шаҳар касаба уюшмалари ташкилотлари бирлашмаси кенгаши ва тармоқ касаба уюшмалари шаҳар ташкилотлари Бирлашма кенгаши ташкилий ишлар бўлими бош мутахассиси В.А.Шулятниковага волидаи муҳтарамаси

ТАМАРА оланинг вафот этганлиги муносабати билан чуқур таъзия билдиради.

Фарғона вилоят касаба уюшмалари ташкилотлари бирлашмаси кенгаши жамоаси, тармоқ вилоят кенгашлари ва Марказий Кенгашларнинг вилоятдаги вакилликлари бирлашма кенгашининг ходими Маҳаммаддон Маматқодировга падари бузруквори

ТУРГУНБОЙ отанинг вафоти муносабати билан унинг оила аъзоларига чуқур таъзия изҳор этадилар.

Келинг, бир қулишайлик

Экскурсавод:
— Бу жуда машҳур кароват. Бунда Наполеон, Бальзак ва Гётелар ётишган. Томошабини — Ажабо? Учаласи бир кароватга қандай сиққан экан-а?

Кичкина бекатда навбатчи йўловчиларга уқдирапти. — Варшавага борадиган тезюрар поезд ўн дақиқадан кейин ўтади, йўловчи поезди эса уч соатдан кейин бўлади. Аmmo йўловчи поездда кетганингиз маъқул.
— Нега?
— Чунки тезюрар поезд бизнинг бекатда тўхтамайди.

Бошлиқ ҳузурига котибаси билан ҳодимни чақирипти:
— О й и м қ и з , Шульц жаноблари шикоят қилди — сиз ишга ҳаддан ташқари калта юбкада келармишсиз. Мен бунга чидаб туролмайман! Жаноб Шульц, ишдан бўшадингиз!

— Нима деб ўйлайсиз, нега темир йўлдаги қараганда машина йўлларида авариялар кўпроқ?
— Бунинг икки сабаби бор. Биринчидан, ҳеч қайси паровоз иккинчи паровозни қувиб ўтмайди. Иккинчидан, паровоз ҳайдовчининг ўт ёқувчи билан ўпишганини сира кўрганмисиз?

— Биз сўнги бор кўришганимиздан буён яна икки марта хотин қўйган эмишсан?
— На чора! Мен ҳар гал шунақа ажойиб аёлларни танлайманки, бошқалар ҳам уларга уйланишни истаб қолишади.

А.ДАМИНОВ тўлаган

Ishonch МУАССИС: Ўзбекистон касаба уюшмалари Федерацияси	Бош муҳаррир Абдуҳолик АБДУРАЗЗОҚОВ	Бизга кўнгиروق қилинг: Котибият: 256-52-78 Хатлар бўлими: 256-85-43	Бизнинг манзил: 100165, Тошкент шаҳри, «Бухоро» кўчаси, 24-уй. Нашр кўрсаткичи: 133; 134	Газета ҳафтанинг сешанба, пайшанба ва шанба кунлари чиқади.	Навбатчи котиб - Ж.Шарофбоев Навбатчи - А.Абдиев Мусаххих - Ш.Абдусаматов
	Таҳрир хайъати: Алла Долженкова, Анвар Юнусов, Довуд Мадиев (Бош муҳаррир ўринбосари), Жаҳонгир Шарофбоев (масъул котиб), Маъмура Адилова, Мирзохид Содиқов, Нормамат Аллаёров, Носирхон Акбаров, Ойсулув Нафасова, Пиримқул Қодиров, Соғиндиқ Ниятуллаев, Шамси Эсонбоев	Ўзбекистон Матбуот ва ахборот агентлигида 0116-рақам билан рўйхатта олинган. IBM компютерида терилди ва сақлаланди. Оффсет усулида босилди. Бичими А-3. Ҳажми 4 босма табак.	«Шарқ» нашриёт-матбаа акциядорлик компанияси босмахонасида чоп этилди. Корхона манзили: «Буюк Турон» кўчаси, 41-уй.	Муаллифлар фикри таҳрират нуқтаи назаридан фарқланиши мумкин. Нашримиздан кўчириб босилганда «Ishonch»-дан олинганлиги кўрсатилиши шарт. Тижорат аҳамиятига молик материаллар ™ белгиси остида чоп этилади.	Саҳифаловчи-дизайнер: Х.Абдужалилов
		E-mail: ishonch-doverie@mail.ru		Буюртма Г—15	Тиражи: 17566
				Босишга топшириш вақти - 21.00 Топширилди - 22.30	Сотувда эркин нархда
				2 3 4 5 6 7 8	